

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S PRVE VANREDNE/TEMATSKE SJEDNICE GRADSKOG VIJEĆA TUZLA
ODRŽANE 19. OKTOBRA 2017. GODINE U MALOJ SALI BOSANSKOG
KULTURNOG CENTRA S POČETKOM U 9,30 SATI**

-SJEDNICI PRISUSTVUJE 27 VIJEĆNIKA

U Tuzli, oktobar 2017. godine

**MIREL MIŠKOVIĆ – zamjenik predsjedavajućeg Gradskog vijeća Tuzla
– vijećnik Tuzlanske alternative**

Poštovani vijećnici Gradskog vijeća Tuzla, poštovani Gradonačelnice Grada Tuzla i predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica, predstavnici sredstava javnog informisanja, dragi gosti, drugarice i drugovi, dame i gospodo.

Otvaram prvu vanrednu/tematsku sjednicu Gradskog vijeća Tuzla.

Prije nego što počnemo sa sjednicom, zamolio bi Slađanu Krajinu, ispred Stručne službe Vijeća da nas upozna sa zaključcima Kolegija koji je održan prije sjednice Vijeća.

**SLAĐANA KRAJINA – ispred Stručne službe
Gradskog vijeća Tuzla**

Kolegij Gradskog vijeća je održao sjednicu neposredno pred početak ove prve vanredne sjednice Gradskog vijeća Tuzla, te je u vezi sa zahtjevom građana Bektić Mirnesa i Ajšić Senaila koji su se dana 18. 10. 2017. godine obratili Gradskom vijeću Tuzla zahtjevom za učešće u raspravi na vanrednoj/tematskoj sjednici, jednoglasno usvojio slijedeći zaključak:

Imajući u vidu da je članom 64. Poslovnika Gradskog vijeća Tuzla, prečišćeni tekst Službeni glasnik Grada Tuzla broj 9/17. propisano da pravo i dužnost da učestvuju u radu na sjednici Gradskog vijeća imaju svi vijećnici u Gradskom vijeću, te da u radu sjednice Gradskog vijeća mogu učestvovati, a bez prava odlučivanja Gradonačelnik, pomoćnici Gradonačelnika i druga lica koja su pozvana na sjednicu radi iznošenja mišljenja o pitanjima koja su na dnevnom redu sjednice Vijeća, odnosno imajući u vidu da Poslovníkom nije data mogućnost da u radu sjednice učestvuju građani, Gradonačelnik Grada Tuzla gospodin Jasmin Imamović, sa saradnicima će odmah sutra 20. 10. 2017. godine u 9,30 sati primiti građane koji su se obratili zahtjevom za obraćanje na sjednici Vijeća. (MIRNES AJANOVIĆ – Ispravka krivog navoda.)

MIREL MIŠKOVIĆ

Zahvaljujem. Ispravka krivog navoda Mirnes Ajanović.

MIRNES AJANOVIĆ - vijećnik Bosanske stranke

Pozdrav svima. Hvala predsjedavajući. Sama ispravka je dakle nije ispravno da nije dozvoljeno da prisustvuju građani, odnosno da učestvuju u raspravi. Mogu, ali zvanično se mora dostaviti poziv, dobit akreditacija, kako bi Vijeće moglo raditi u okviru poslovnčkih mogućnosti.

Dakle, u ovoj situaciji nemamo toga, ali imamo za predstavnike mjesnih zajednica i predsjednici mjesnih zajednica će, iz svake po jedan, govoriti na sjednici Gradskog vijeća.

Dakle, da ne bi otišlo u javnost pogrešna informacija, samo iz razloga što nije na vrijeme došao dopis da bi se mogao razmotriti, naravno u okviru poslovnčkih mogućnosti i donijeti odluka o pozivu, jer sa pozivom se može učestvovati na raspravi. Hvala.

MIREL MIŠKOVIĆ

Zahvaljujem. Slađana Krajina.

SLAĐANA KRAJINA

Evo samo da pojasnim. JA nisam rekla da Poslovníkom nije dozvoljeno. Da Poslovník. Poslovníkom nije data mogućnost da u radu sjednice učestvuju građani. Znači nije rečeno da nije dozvoljeno.

MIREL MIŠKOVIĆ

Zahvaljujem. Poslovníčka intervencija Mirza Tupajić, SDA.

MIRZA TUPAJIĆ - vijećnik Stranke demokratske akcije

Prije svega sve bi vas srdačno pozdravio i poselamio i poželio nam sretan rad na prvoj vanrednoj/tematskoj sjednici.

Ja imam poslovníčku. Imam poslovníčku onaj vezano za, danas je znači 14-ta godina od smrti prvog predsjednika Republike Bosne i Hercegovine i zamolio bih vas da učenjem Fatihe, minutom šutnje ili na neki svojstven način, da odamo počast znači našem prvom predsjedniku Republike Bosne i Hercegovine Aliji Izetbegoviću. Ako može.

MIREL MIŠKOVIĆ

Može. Zahvaljujem. Pozivam sve prisutne da minutom šutnje ili na ostali prikladan način odamo počast. (Minuta šutnje, učenje Fatihe ili druge molitve.) Nastavljamo dalje s radom.

Konstatujem, da prema evidenciji Stručne službe Gradskog vijeća, sjednici prisustvuje 27 od ukupnog broja vijećnika, 31, što je dovoljno za punovažan rad i odlučivanje, a u skladu sa članom 62. i 65. Poslovníka Gradskog vijeća Tuzla.

Za današnju sjednicu svoj izostanak su najavili slijedeći vijećnici: Aleksandar Vujadinović, Miralem Softić i Kenan Osmančević. Predlažem da im opravdamo odsustvo.

Takođe na današnju sjednicu svoje kašnjenje najavili su slijedeći vijećnici. To je Sunčica Delibegović, ona je već stigla.

Obavještavam sve prisutne da je današnja vanredna/tematska sjednica Gradskog vijeća Tuzla zakazana u skladu sa zaključkom Gradskog vijeća Tuzla usvojenim na 11. redovnoj sjednici Gradskog vijeća Tuzla, održanoj 28. 9. 2017. godine i da će se tematska sjednica Gradskog vijeća Tuzla na kojoj će se razmatrati informacija koju će pripremiti Služba za komunalne poslove, izgradnju i poslove mjesnih zajednica i Javno komunalno preduzeće Centralno grijanje Tuzla, a u čiju će se izradu, po potrebi, uključiti i drugi subjektio toplifikaciji sa posebnim akcentom na mjesne zajednica u kojima postoje uslovi za priključenje na sistem daljinskog zagrijavanja, održati 19. oktobra 2017. godine.

Za današnju sjednicu predlažem dnevni red, kao što ste dobili u pozivu za ovu sjednicu:

DNEVNI RED:

1. INFORMACIJA O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA

Pitam vijećnike, da li ima prijedloga za izmjenu i dopunu dnevnog reda? Ako nema prijedloga pitam vijećnike ko je za predloženi dnevni red, molim da digne ruku? (28) Ima li neko protiv? (Nema.) Ima li suzdržanih? (Nema.)

Konstatujem da je sa 28 glasova za, nema niko protiv, nema niko suzdržan, usvojen slijedeći:

DNEVNI RED:

1. INFORMACIJA O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA

Sada prelazimo na realizaciju Dnevnog reda prve vanredne /tematske sjednice Gradskog vijeća Tuzla, to je tačka pod brojem jedan:

INFORMACIJA O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA

Obavještavam vijećnike da su obrađivači Služba za komunalne poslove, izgradnju i poslove mjesnih zajednica i Centralno grijanje d.d. Tuzla.

Materijal su razmatrali Komisija za ekonomske odnose, Komisija za komunalna pitanja i pitanja mjesnih zajednica, Komisija za prostorno uređenje i zaštitu okoline i klubovi vijećnika.

Pitam prisutne da li ima potrebe da u skladu sa članom 68. Poslovnika Gradskog vijeća Tuzla obrađivači daju uvodno izlaganje? (Ima.) Ima potrebe, pa molim obrađivača da da uvodno izlaganje.

Ispred Službe za komunalne poslove, izgradnju i poslove mjesnih zajednica, šef Službe, Pomoćnik Gradonačelnika gospodin Kemal Kurević.

KEMAL KUREVIĆ – Pomoćnik Gradonačelnika za komunalne poslove, izgradnju i poslove mjesnih zajednica

Dame i gospodo, poštovani vijećnici, uvaženi dopredsjedavajući, srdačno vas sve pozdravljam i evo Služba za komunalne poslove, izgradnju i poslove mjesnih zajednica pripremila je za ovu tačku Dnevnog reda jednu informaciju, znači, INFORMACIJA O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA. (Malo glasnije, ne čujemo.)

Dobro. Znači INFORMACIJA O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA.

Pa ja bi za uvod rekao nekoliko važnih napomena kada je u pitanju sistem daljinskog grijanja. Razlog je vrlo jednostavan, jer sistem daljinskog grijanja je jedan od najznačajnijih komunalnih djelatnosti za grad Tuzla i to je jedno od strateških opredjeljenja Grada Tuzla da vrši širenje i razvoj ove mreže, a sve u cilju da resurs koji posjedujemo kao toplotna energija iz sistema (nerazgovjetno izgovorena riječ op.a.) Termoelektrane da iskoristimo maksimalno i da bude dostupan što većem broju građana.

Znači ovaj sistem to možemo i pozdraviti sve one koji su se odlučili da još 1981. godine započnu aktivnosti na realizaciji jednog ovakvog projekta, vrlo zahtjevnog projekta, započne izradu projektne dokumentacije. A sama implementacija krenula je 1983. i tada su već stvorene pretpostavke da se jedan broj objekata i priključi na sistem daljinskog grijanja.

Gradsko vijeće, odnosno Općinsko vijeće poslije niza aktivnosti predhodnih godina donijelo je Odluku o utvrđivanju zona toplifikacije i to je bilo 2001. godine kojom su utvrđeno 39 zona koje su bile obuhvaćene znači sve gradske zone uglavnom gdje su bili izgrađeni objekti kolektivnog stanovanja, a nisu u tom vremenu bili na sistemu daljinskog grijanja.

2011. godine usvojen je slijedeći Plan proširenja zona toplifikacije i da to na ovaj predhodni Plan dodato je još 16 zona sa podzonama, tako da u ovom trenutku imamo Plan od 55 zona gdje je kroz ovo proširenje obuhvaćeno i sve one zone gdje su uglavnom zastupljene, gdje su zastupljeni individualni objekti i vezane su za visinske zone.

Zašto smo se odlučili za promjenu i povećanje broja? Naime, u periodu od 15 godina, znači do današnjeg dana, do prije par i nešto godina Grad Tuzla je, u skladu sa raspoloživim sredstvima, realizirala potpuno Plan širenja vrelovodne mreže i priključivanja objekata kolektivnog stanovanja, tako da su stvorene pretpostavke da se može mreža širiti i na zone ovih 16 novih zona. Znači možemo konstatovati da na području grada gdje je mreža zastupljena da su svi objekti kolektivnog stanovanja, javne ustanove i drugi da će biti priključeni na sistem grijanja što je izuzetno veliki bio poduhvat da u proteklom periodu to uradimo.

U to vrijeme, znači, zašto je bio razlog da su se priključili jer jednostavno je da sa raspoloživim sredstvima koje smo bili Budžetom utvrdili da se što brže priključe što veći broj objekata i trenutno grad Tuzla ima negdje oko 24000 korisnika na sistemu grijanja.

Sa stvaranjem, znači završetkom ovih poslova radilo se na izradi jednog tehničko tehnološkog koncepta koji bi dao odgovor na priključenje, na sistem daljinskog grijanja idividualnih objekata, ali sa prilikom da to bude i povoljnije i da bude i tehnički opravdano i tehnološki prihvatljivo znači da sve aspekte sagleda u cilju iznalaženja tog rješenja, a da se ne bi ugrozio ovaj postojeći sistem koji je vezan za ovaj centralni dio grada.

Tako je predstavnici Centralnog grijanja i ljudi od struke su dali rješenje i ponudili da u naseljima gdje su zastupljeni individualni objekti postavljaju se centralne toplinske stanice režima 90:60 znači režim glavni primarni režim 145:75. Ubaćene su ove centralne toplinske stanice koje su sa režima 145:75 pretvaraju toplinsku energiju u režim 90:60 i naravno dalje se vrši distribucija prema objektima individualnog stanovanja.

Znači Grad Tuzla u kontinuitetu, zajedno sa predstavnicima Centralnog grijanja, pored izrade projektne dokumentacije radila je i na realizaciji svih ovih projekata i sad trenutno stanje kad je u pitanju implementacija projekata po zonama individualnog stanovanja imamo možemo reći stanje onoliko koliko su nam raspoloživa sredstva dopuštala, sa namjerom da ovih svih 16 zona u nekom srednjoročnom planu, a to se može desiti, s obzirom na sredstva koja mi imamo, između pet i deset godina, ukoliko budemo u prilici da mi budemo imali više para, onda svakako da možemo očekivati i raniju realizaciju.

Mi smo započeli ove aktivnosti sa Pilot projektom, tako smo ga nazvali, Kula gdje kroz postavljanje vrelovodne mreže, znači prvo centralne toplinske stanice, zatim vrelovodne mreže i stvaranja pretpostavki za priključenje individualnih objekata da podpuno izanaliziramo ovaj

sistem i na bazi prakse potvrdimo da je on dobar i da je primljenjiv za sve druge mjesne zajednice.

Trenutno u Kuli je projekat tako definisan da centralna toplinska stanica pokriva u ovom momentu 70 objekata, a ima uslove za 150 objekata.

Od onih 70 objekata koji su trenutno u prilici da se priključe 40 objekata je do sada priključeno. Kad su u pitanju mjesne zajednice Bukinje i Šićki, znači paralelno sa Pilog projektom Kula u ove dvije mjesne zajednice ugrađene su tri centralne toplinske stanice već podpuno završene, znači one su izvršene putem proba i podpuno spremne za uključivanje, izvršena je izgrađena vrelovodna, odnosno toplovodna mreža i stvorene su pretpostavke da se može na sistem priključiti 244 objekta.

Znači, trenutno dvoje ove centralne toplinske stanice su u mjesnoj zajednoj Bukinje, znači u naselju Divkovići, jedna je u naselju Kolone, gdje 174 objekta mogu da se priključe.

Kad je u pitanju mjesna zajednica Šićki Brod, ova centralna toplinska stanica pokriva naselje Šićki Brod, gdje su stvorene pretpostavke za priključenje 70 objekata.

Mi praktično u ovim okolnostima na području ove dvije mjesne zajednice, ja ću još jednom ponoviti imaju mogućnost 244 objekta. Znači naš cilj nije samo ova 244 nego u svakoj mjesnoj zajednici gdje su ove zone, rješenja imamo kapaciteta za širenje vrelovodne i toplovodne mreže za druga naselja koja su i u ovim mjesnim zajednicama i mjesnim zajednicama koje su već ranije definisane.

Ja ću pomenuti kakve su aktivnosti dalje kod ove dvije mjesne zajednice. Znači mi imamo trenutno da smo raspisali i završili procedure javne nabavke za mjesnu zajednicu Batva, po istom konceptu, da smo završili procedure javnih nabavki i odabrali izvođače radove, odnosno u fazi odabira izvođača radova za mjesnu zajednicu Brčanska Malta ulica Strajka Mitrovića i Slavka Mičića. Da pripremamo, odnosno u završnoj fazi je izrada projektne dokumentacije za dio mjesne zajednice Jala to je Vinište.

Zatim, za dio takođe mjesne zajednice Mejdan, gdje je isto u završnoj fazi izrada projektne dokumentacije.

Radimo na projektnoj dokumentaciji za mjesnu zajednicu Centar gdje su obuhvaćene ulice Safet bega Bašagića, Kojšino. I Kojšino. Naravno i Kristijana Krekovića.

Dalje su nam aktivnosti, mi smo napravili jedan program da paralelno sa realizacijom projekata radimo na izradi projektne dokumentacije i stalno činimo napore da sa raspoloživim sredstvima realiziramo što veći broj projekata širenja, a onda naravno i stvaranje pretpostavki za priključenje na sistem daljinskog grijanja.

Tako da sve mjesne zajednice, to smo uradili, zadatak, jedan broj projekata biće završen do kraja ove godine, a nastaviti će se kontinuirano i u 2018-toj i sve dok ovaj Plan proširenja dodatne toplifikacije ne realiziramo, naravno da će u budućnosti nekad doći i do širenja vrelovodne mreže i kapaciteta.

Znači, pored ovih mjesnih zajednica, priprema se projekat za mjesnu zajednicu Mosnik, za mjesnu zajednicu Solana, za mjesnu zajednicu Tušanj naselje Dragodol. Imamo tu vrlo veliki interes izražen za mjesnu zajednicu Ši Selo i evo sad da ne nabrajam, znači sve one mjesne zajednice koje su u obuhvatu u ovom trenutku predviđene sa mogućnošću za proširenje vrelovodne mreže.

Ja ne znam koliko je sada interesantno sama sistem podstanice. Ona naime kroz režim 145:75, odnosno u toj varijanti na sekundarnu 90:60 stvara pretpostavke da se značajan broj objekata može priključiti i to se kreće u ovisnosti od naselja. Ona ima svoja ograničenja i kapacitete, ali to se može kretati od 50 pa što je ekonomski opravdano, pa čak i do 250 objekata.

Znači ovdje imamo sad situaciju gdje jedna centralna toplinska stanica pokriva značajan broj kuća, odnosno pokriva skoro cijela naselja i da svi oni objekti koji se priključuju imaju

znatno nižu cijenu te podstanice koje smo mi nazvali mjerno regulaciona stanica gdje ona ima one elemente koji su samo potrebne za objekat. To je naravno kad kažemo mjerne, da ima kalorimetar koji je za mjerenje utrošene toplinske energije, odnosno imamo načelne paušale, da ima regulator pritiska i neke ventile da možemo imati podpuno pouzdan, siguran i vrlo optimiziran sistem kad govorimo ne samo o objektu samom, nego i kompletan sistem daljinskog grijanja.

Ja ću ovdje dodati da grad Tuzla trenutno raspolaže sa 220 MW toplinske energije u ovom trenutku što se može isporučiti od strane Termoelektrane i da je ovaj izvor nepresušan i da on na neki način već ulazi u fazu kada će on biti podpuno iskorišten.

Grad Tuzla je, zajedno sa predstavnicima Centralnog grijanja, radi već na, da kažemo projektima za budućnost i mi smo pripremili, odnosno pripremamo, što je u završnoj fazi studiju izvodljivosti za dugoročno snabdijevanje grada Tuzla do 2035. godine toplinsku energiju bi se tu podrazumijevala da idemo sa povećanjem izvora toplinske energije kapacitet u ovom trenutku koji je predviđen i koji je moguće obezbijediti od Termoelektrane, to je 320 MW i time dajemo sebi priliku da generacije koje nam dolaze naravno budu, da i oni imaju dobre pretpostavke da se ovaj sistem, onaj izvor, onaj resurs može koristiti maksimalno i zaista da što veći broj naših sugrađana dobije tu priliku, dobije priliku da se priključi na ovaj sistem.

Sve ovo ide u prilog, mogu samo spomenuti uticajem zagađenja, povećanja ugodnog života i uz povećanje standarda svih naših građana i na nama je da se borimo da što više uradimo.

Ja bi se vratio sada na ove dvije mjesne zajednice, možemo samo reći konkretno da šta smo do sada dobili.

Znači u ovim mjesnim zajednicama izražen u mjesnoj zajednici Šićki Brod i Bukinje, izražen je interes građana za priključenje i oni su u svojim, u skladu sa opštim, tehničkim i tarifnim uslovima, pravilnicima već se prijavili jedan broj građana za priključenje i dostavili su, kako to propisi nalažu, potrebnu dokumentaciju da bi dobili odobrenje za dalje priključenje.

Evo na neki način ova tema o davanju nekih olakšica odnosno pomoć da se što veći broj građana priključi nametnula se tema da se na neki način neke olakšice, odnosno bolji način i lakši način priključenja. Tako da smo u predhodnom periodu od nekoliko dana iskoristili da kroz intenzivne kontakte sa predstavnicima mjesnih zajednica pokušamo doći do jednog realnog prijedloga koji bi svakako išao u prilog građanima, da smanji njihove troškove, a da ono što je naš dalji interes da se što veći broj priključi i da stavimo ove centralne toplinske stanice u funkciju.

Tako da iz ovih svih naših razgovora proistekli su određeni prijedlog mjera gdje bi ja, evo ovo sve možemo reći što sam ja govorio, sažeti kroz ove mjere koje bi se poduzele u ovom narednom periodu.

Znači u cilju rješavanja problema priključenja individualnih stambenih objekata pa tu spominjemo Šićki Brod, Bukinje. Jedan od osnovnih elemenata da sve ovo što radimo da je u skladu sa propisima koji postoje i koji će biti u cilju realizacije izuzetno ovih aktivnosti, hvala, koji će biti provedeni da bi sve to bilo i zakonom potvrđeno.

Znači, planirano je da se odluka na narednoj sjednici na 12. redovnoj sjednici Gradskog vijeća, da se usvoji odluka o snabdijevanju grada toplinskom energijom gdje bi jedan od najznačajnijih članova, a to je član 21. dao mogućnost da grad, znači da bude preciznije, da Grad Tuzla, odnosno Centralno grijanje finansira priključak, možemo ga tako nazvati, odnosno onaj primarni dio koji može biti sastavni dio postojeće mreže, a to je od najbliže komore do ulaska u objekat.

Znači to je za svaki od ovih objekata mogli bi se provjeriti tamo ko prati na terenu. Projektanti su dali rješenja da komora priključna bude što bliže objektima. Evo u ovom trenutku

su takva mišljenja gdje bi samo polaganje cijevi do, odnosno do zida objekta, da bi značajno olakšalo i opredijelilo građane da se priključuju, da bi to bio jedan, dobar, dobra podrška da to preuzme znači Grad Tuzla i naše Javno komunalno preduzeće, ali i to bi sve bilo u skladu sa ovom odlukom koja će se usvojiti.

I tu smo dodali da obavezno, to će biti sastavni dio odluke, da tamo gdje god se bude, ukoliko ovo bude usvojeno onako kako je planirano da građani su dužni da daju saglasnost, jer imamo raznih situacija, saglasnost za prolazak kroz njihovu parcelu kako ne bi u budućnosti, u slučaju nekih intervencija, bilo nekih neugodnosti i još neki elementi koji će biti definisani za mogućnost priključenja.

Druga mjera, osnovno ovo je samo član ove odluke, a odluka o snabdijevanju grada toplotnom energijom, ona je već pripremljena, možemo tako reći, ona je prošla proceduru javne rasprave. Bila je u formi nacrtu razmatrana na Gradskom vijeću.

Mi smo analizirali sve sugestije, prijedloge članova Vijeća. Dobili smo sugestije i prijedloge Javnog preduzeća Elektroprivrede koji su jako zainteresovani da ovo bude, da ništa ne bude nepredviđeno, da se sve što je potrebno, bude sadržano u toj odluci. Imali smo sa građanima, tako da poslije svih analiza mi smo pripremili dakle obrazloženje i evo, vijećnici mogu očekivati da će pravovremeno, u skladu sa pravilima dobiti ovu odluku na uvid, a mi ćemo je proslijediti Vijeću na razmatranje i usvajanje.

Druga, treća od mjera koja je bi bila, to je jedan od prijedloga proisteklo je da imajući u vidu specifičnosti mjesne zajednice Šićki Brod i Bukinje, da se razmotri mogućnost da u prvom redu da se izvrši socijalna karta na području ove dvije mjesne zajednice. Da se utvrdi stvarno socio-ekonomsko stanje sugrađana, posebno onih koji imaju priliku da se priključe na sistem daljinskog grijanja, a da nisu baš u velikoj ekonomskoj prilici za to, da se i to napravi jedna odluka koja bi definisala i ovu obavezu pa da se i na taj način pomogne našim sugrađanima.

I četvrta, to bi bilo da s obzirom da se radi o velikom broju, to je jedno od razmišljanja, a to su sve aktivnosti koje su pred nama, s obzirom na veliki interes, ne samo ovdje, nego i u drugim mjesnim zajednicama u ovom trenutku imamo već na neki način kroz ove projekte što sam ja pominjao, da će se odprilike 600 objekata priključiti u vrlo kratkom periodu, da se razmotri mogućnost nabavke jednog većeg količina, količine ovih mjerno regulacionih stanica, što znamo kako tržište to reguliše. Što se veći broj jedinica nabavi naravno cijena može biti niža.

Mi u ovom trenutku ne možemo reći kolika je to cijena, ali u svakom slučaju očekujemo od do sada pojavljivane cijene na tržištu da ona sa nabavkom većeg broja mjerno regulacionih stanica da ćemo imati i cijenu, po meni, znatno nižu.

Ovdje bi se dala još mogućnost, znači sve su to neke da kažemo poboljšanja koja bi svakako doprinijeli da se ljudi lakše odluče, to je da se eventualno kroz mogućnost odgode plaćanja ove centralne, odnosno mjerno regulacione stanice, ili davanje na rate tamo gdje su se već priključili objekti da zajedno sa toplinskom energijom se vrši i u ratama isplata. Tako da evo ove mjere sigurno će doprinijeti da se interes, odnosno i brzina za priključenje poveća, odnosno poboljša, pa evo ovakva informacija. I evo toliko. Ja se zahvaljujem, pa sve što bude trebalo da odgovorim na pitanja ja sam tu. Hvala.

MIREL MIŠKOVIĆ

Zahvaljujem se obrađivaču materijala. Pitam da li ima potrebe da se pročitaju izvještaji komisija? Ako nema. Prije nego što otvorimo raspravu klubova vijećnika, a po zaključku Kolegija Gradskog vijeća Tuzla, pozivam po jednog člana Savjeta Mjesne zajednice Šićki Brod i Mjesne zajednice Bukinje da se obrate Gradskom vijeću.

NIJAZ SULJIĆ- predsjednik Savjeta Mjesne zajednice Šićki Brod

Hvala predsjedavajući. Pripala mi je čast i zadovoljstvo da vas sve pozdravim i ujedno da vam se zahvalim što ste se, što ste nam dozvolili da danas dođemo ovdje i prisustvujemo ovoj tematskoj raspravi.

Posebno se zahvaljujem građanima mjesne zajednice Šićki Brod i Bukinje što su se odazvali u ovako velikom broju, a u uvodu, ono što sam zaboravio svakako, ja se zovem Nijaz Suljić, ujedno sam i predsjednik Savjeta Mjesne zajednice Šićki Brod.

Ja bi htjeo ipak da vam napravim jednu genezu svih dešavanja od 2009., 2011. donošenja Odluke, prijateljskog okruženja koje je Elektroprivreda iskazala prema naseljima Šićki Brod, Bukinje i Husino kad je u pitanju lokalitet Termoelektrane Tuzla o izdvajanju tri miliona i 600 sredstava za toplifikaciju ta tri naselja.

I zaista 2013. godine naselje Šićki Brod 60 godina svoga rada Termoelektrane Tuzla bilo je počašćeno i dobilo je 50 stambenih jedinica, tj. minijturni zgrada, da tako kažem. Dobili su toplifikaciju.

Dogovor je bio kroz dalje aktivnosti da svim građanima na prostoru mjesne zajednice Šićki Brod i Bukinja i Husina imaju isti tretman.

Zajedno sa gradonačelnikom, njegovim pomoćnicima i gradskim vijećnicima i svim poslanicima u Parlamentu Federacije i Domu naroda izdejstvovan je Zakon o izdvajanju sredstava za rad termoelektrana u Federaciji Bosne i Hercegovine.

Naknada je bila 0,0015 KM po jednom kilovatu što u konačnici iznosi, a s obzirom da sam i zaposlenik Termoelektrane Tuzla i znam da Termoelektrana Tuzla proizvede 3500 GWT gigavat sati, nekad i 3800 što u konačnici iznosi nekih 5 do 5,5 miliona na godišnjem nivou.

Mi građani mjesne zajednice Šićki Brod očekivali smo da ćemo u tako brzom periodu doživjeti jednu renesansu razvoja tj. da ćemo dalji tok toplifikacije ići malo brže i da nećemo imati prilike da se organizujemo i dođemo zajedno sa Gradskim vijećem razriješimo ovu nastalu problematiku.

Želim ovde da napomenem da ne želimo dole da se dijelimo na građane prvog i drugog reda. Nego da zaista imamo i da donesemo odluku, a vi gradski vijećnici, što ja i ne sumnjam, ja znam da ćete vi donijeti ispravnu odluku i da ćete svakako shvatiti probleme življenja oko prostora Termoelektrane i dalje i da će ovaj grad sigurno u narednom periodu doživjeti što bržu i veću toplifikaciju svih prostora u ovom gradu.

Svakako nama je u interesu da svaki dio grada bude toplificiran, ali mislim, mi smo na ustima Termoelektrane. Mi svaki dan čujemo rad postrojenja Termoelektrane i ja vas molim, da vi kao gradski vijećnici, poznavajući problematiku danas tj. na narednoj sjednici donesete valjanu odluku, a ona je da prioritet u svemu ovome u narednom periodu, a prije svega i da se postave rokovi da ovih 250 domaćinstava na prostoru ove dvije mjesne zajednice bude što prije pripojeno i na takav način pokažemo dobru volju da smo zaista spremni da ovaj veliki problem riješimo, a mi, a vi ćete sigurno u nama imati podršku svih ovih građana koje mi evo na neki način predstavljamo.

Ja nimalo nisam skeptik kad je u pitanju ovi projekti. Oni su neophodno potrebni. A ovo bi bila samo jedna satisfakcija za one koji borave 60 godina oko prostora Termoelektrane „Tuzla“.

Prostor je sav devastiran i svakako da očekujemo, a vi ćete imati razumijevanja i sigurno da ćete shvatiti ozbiljnost situacije i donijet. Zaista, mi smo razgovarali u ponedjeljak sa gradonačelnikom i njegovim pomoćnicima i bili smo u nekim zakopanim rovovima, približili smo se.

Znači zaista bilo je razumijevanja od strane gradonačelnika, od strane njegovih prvi saradnika, da se ovaj problem razriješi.

Znači došao je prijedlog da sa primarnog voda tzv. ide se spajanje sekundarnog voda, to je do svakog objekta kuće. I da razgovaramo o podstanicama i da to razriješimo. Evo gradonačelnik je, ovo nije zvanična informacija, onako se razgovaralo, o nekih 2000 maraka koje bi morali građani, pa možda bi bilo i niže, da uplate.

Međutim, ja sam održo od ponedjeljka sastanak svi građana koji ovde sjede, koji su zainteresovani za priključenje, sinoć je bio sastanak zaista fin, korektan.

Stav građana mjesne zajednice da oni ne žele da učestvuju u finansiranju te toplinske stanice iz razloga toga što se osjećaju poniženo spram onih drugih koji su to dobili besplatno.

Poznavajući dobro energetiku, svjestan sam toga šta znači dovest u zgradu znači zajednički stambeni objekat, a šta je to individualni stambeni objekat. Međutim, građani su, ja ovdje iznosim mišljenje građana, stava da zaista budemo isti, da imamo isti tretman.

Stoga predlažem da donesemo danas odluku, tj. na narednom Gradskom vijeću da idemo odmah u realizaciju tog sekundarnog voda, da dovedemo to do objekata individualnih i da razgovaramo o tome, a mislim da će se naći prostora i te podstanice da prevaziđemo i da zaista pokažemo dobru volju, da pokažemo i zaposlenicima tj. poslovodstvu Elektroprivrede da zaista, evo Gradska uprava želi problem, jer ima dosta, dosta ima zahtjeva uputa, Uprave Elektroprivrede, jer sredstva koja se izdvajaju od strane Elektroprivrede moraju na neki biti način opravdano. A tamo u članu 2. fino piše zakona gdje kako i na koji način ta sredstva trošiti.

Svakako da se zalažemo da se sredstva troše za cio grad, mi nismo to rekli da to treba samo na prostoru mjesne zajednice Šićki Brod, Bukinje, Husino, ali moramo mi biti prioritet u rješavanju ovog problema.

Stoga, evo i završit ću i napomenut ću, da imamo puno u vas povjerenje, da nemamo ne bi došli ovde, mi bi možda napravili i demonstracije i posebno nam je drago što su ovi građani pokazali jedno veliko dostojanstvo. Hvala.

MIREL MIŠKOVIĆ

Neko ispred Savjeta Mjesne zajednice Bukinje da se obrati. Napominjem da izlaganje predlagača ili obrađivača traje do 10 minuta.

KEMAL KUDUZOVIĆ – ispred Savjeta Mjesne zajednice Bukinje

Imam izuzetnu čast da pozdravim gradonačelnika, vijećnike, medije, a posebno građane koji su danas došli ovde da izkažu podršku da se iznađe rješenje ovog dugogodišnjeg, višedecenijskog problema koji tišti to područje.

Međutim, najprije ću se osvrnuti na neke stvari koje su, možda ću i ponoviti, da određene stvari kad smo održavali sastanke.

Ja se dobrom dijelu ljudi zahvaljujem što smo ipak uspjeli da jednom dođemo da otvorimo dijalog u vezi tog problema. A to je, to je jednostavno do sad smo se dopisivali i donosili se zaključci nekakvi razumijetel sad koji su nama i odgovarali, međutim, nije bilo pomaka u tim zaključcima. Sad je velika nada da će ono što se dogovori biti realizovano.

Još da napomenem, da bude svima jasno da ovde ko god krene ultimatumima nema rezultata, mi smo pokušali da odozdo s one strane koji smo došli da idemo s razumom da pokušamo napraviti kompromise, da iznesemo svoje argumente, da argumentima rješavamo problem.

Međutim, jedan od tih argumenata kako bi reko jedan od argumenata, ja ću opet ponoviti neke stvari ukratko koliko god kraće, a to je. Gdje su osnovne nekakve relacije, sve je u redu, ovo da vam kažem, ovo što smo mi dogovorili itd. Ovo što je. Međutim, ostale su jedino razlike oko toga da li je tim građanima u odnosu na sve građanine opštine Tuzla, da li su oni što su pretrpili ogromne štete u zadnjih 50, 60 godina. Nerado se vraćaju ljudi da vide šta se tim ljudima desilo. I štete koje su pretrpljene 50, 60 godina, ja ću samo napomenuti u kratkim crtama. Mjesna zajednica primjera radi, a slično je i Šićki Brod, više od trećine mjesne zajednice je devastirano, što znači ljudi su postali siromašniji za trećinu zemljišta.

Više od 3000 duluma je trajno kontaminirano šljačistima. Poljoprivrednog zemljišta pojela je industrijska zona. I sad da ne nabrajam dalje nanesene štete voćnjacima, šumama, šumskom pojasu itd. Štete se mogu stotinama miliona mjeriti.

I smatrali smo recimo u ovome svemu da bi trebalo ljudi bar ovu odluku napraviti da imaju nekakvu kompenzaciju. Tretiranje je bilo da svi smo mi ravnopravni trebamo biti i ovo i ono. Ja sam samo od jednog sam polazio. Kako ću biti ravnopravan ako ne nekom porušilo njivu i treba mu namiriti da i ja ima (nerazgovjetno izgovorena riječ op.a.) u toj njivi, da i ja naplatim tu njivu razumijete sad, a nije meni porušeno.

To znači nismo svi bili u istoj poziciji kada je to bilo. Međutim, mi smo kompromisno napravili ogromne pomake. Nešto što je bilo nezamislivo razumijete, a sad zahvaljujući odmah da vam kažem i gradonačelniku koji je poslije primanja od nas informacija itd. imo razumijevanja da krenemo u razgovore razumijete, do sad to nije bila praksa. Međutim, eto desilo se da je promijenjen nacrt kompletan odnosa i prema građanima na ovaj način.

Međutim, opet i ova tačka dnevnog reda iako smo mi insistirali odozdo godinama i godinama da vam kažem ovo, vjerujte mi određene vodile se aktivnosti i ovo i ono i neke su se stvari postizale u određenim vremenima.

Međutim, to je onda dolazilo recimo 90-te godine još nekakvi su sporazumi napravljeni. (Pričaj zašto smo došli.) (MIREL MIŠKOVIĆ – Molim za pažnju.)

Koji su pokušali da riješe probleme te i bilo je dogovor. Rat je prekinuo. Elektroprivreda poslije toga nije imala volje da to nastavi država u državi itd.

2000-te godine samo ću pročitati jedan detalj, iako ne volim čitati, ali kažem. Na insistiranje ove dvije mjesne zajednice vođena je rasprava na federalnom Parlamentu koji ne znaju, mnogi znaju za to, ja mislim, kaže, napomena iz rezolucije federalnog Parlamenta o ekološkoj zaštiti mjesnih zajednica Šićki Brod, Bukinje, Husino na 13. redovnoj sjednici Predstavničkog doma Federacije održane 12. 6. 2000. godine. Tačka četiri.

Posebno se kaže i Vlada Tuzlanskog kantona, osim Vlade Federacije BiH da organizuje aktivnosti na izradi studije o uticaju industrijskog ekološkog okruženja i ekološke zagađenosti na zdravlje stanovništva ugroženi mjesni zajednica a ministarstva donesu godišnje i srednjoročne planove revitalizacije i sanacije postojeći stanja razvoja vezano za ekološke probleme i poboljšanje uslova življenja u industrijskom okruženju.

Tačka 6. Parlament Federacije je mišljenja da putem Općinskog vijeća, Kantona, do nivoa Federacije treba obezbijediti da se izdvojena sredstva za ekologiju privrednih i drugih subjekata sa ovog područja vrata na područje koje je i najugroženije, a koristila bi se u sanaciji i revitalizaciji posljedica ekološke ugroženosti.

I još tačka, jedna rečenica, u tački 7. Parlament Federacije BiH smatra da treba pronaći načina da se urade projekti revitalizacije i sanacije postojećeg stanja mjesnih zajednica koje su razvojem industrije i ekološkim stanjem dovedena na rub uništenja.

U ovoj rezoluciji od sedam tačaka tri tačke koje sam pročitao. Ovde se to znači radi o samo jednom detalju. Sve ovo što su prihvatili da vam kažem i odma neki bar što se tiče moje

aktivnosti, ja se zahvaljujem građanima posebno na desenijskom strpljenju da čekaju neke stvari koje su se počele rješavati.

Decenijsko je to bilo strpljenje. Zahvaljujem se i svima onim koji su na određen način uključili se u rješavanje ovog problema, pa evo i Vijeću koje je jednostavno krenulo u jednu realizaciju, kako bi reko, ispravljanja, postepenog ispravljanja nepravde koje su činjene tim građanima.

(MIREL MIŠKOVIĆ – Zahvaljujem. Molim da privodite kraju.) I takođe. Molim. (MIREL MIŠKOVIĆ – Da privodite kraju diskusiju.) Dobro privodiću, privodiću.

To znači ovo što je ovde izneseno to je kompromis, razumijete li sad. Međutim, to je pomenuo i predsjednik Mjesne zajednice Šićki Brod u razgovoru s građanima oni i dalje traže na određen način kompenzaciju za to područje. Jer ovo mi nismo dobili nikakvu kompenzaciju jer svi dobijaju isto kao i mi jer se to uvodi u pravilu. A nikako da osjetimo da recimo kao građani, opet kažem, da ti građani dole bar po 2000 maraka dobiju neku kompenzaciju, a stotine miliona štete vidite sad.

O tome, to znači jest nekakav kompromis je napravljen i krenulo je se, međutim, što reče izlagač, trebamo nastaviti dole krenuti što prije. Evo i neka sredstva u izvještaju je pokazalo da bi se moglo krenuti odma sa realizacijom neki stvari, a da se jednostavno nastavi rješavanje, sve što se može od izvršne i zakonodavne vlasti da se još pomogne građanima na određen način da bi dobili neku satisfikaciju kompenzaciju. (Konačan stav. Reci šta tražimo.)

Prema tome. Čuli ste, ja ću samo napomenuti. Mi iz savjeta nalazimo se imeđu čekića i nakovnja, nama je to jasno, razumijete li sad. I što se tiče mog ličnog stava, ovo nije stav Savjeta odma da vam kažem, mi trebamo i dalje insistirat, razumijete li sad da se napravi neka kompenzacija za nanesene štete za to područje koje praktično, mjesna zajednica Bukinje sišla sa 3000 stanovnika na 2000 zbog toga što su ljude otjeravali po (nerazgovjetno izgovorena riječ op.a.). (MIREL MIŠKOVIĆ – Molim za pažnju.) E to je moje razmišljanje i hvala vam.

MIREL MIŠKOVIĆ

Zahvaljujem vam. Molim za pažnju u sali. Nastavljamo dalje sa radom.

Prije nego što otvorim raspravu klubova vijećnika, želim da podsjetim da izlaganje predsjednika klubova do 10 minuta, diskusija vijećnika 5 minuta, replika 3 minute, ispravka krivog navoda 3 minute, poslovnička intervencija 2 minute.

Sada otvaram raspravu klubova vijećnika, a prije klubova vijećnika ima gradonačelnik riječ.

JASMIN IMAMOVIĆ – Gradonačelnik Grada Tuzla

Ja prvo hoću da se zahvalim, radili smo dosta na prošloj sjednici, na razumijevanju svima i građanima i vijećnicima i posebno članovima savjeta ove dvije mjesne zajednice.

Rekli smo da ćemo zajedno sa njima dogovarati prijedloge ovih zaključaka. Oni su u teškoj situaciji između nekih zahtjeva maksimalističkih, između realnih okvira sadašnjih pravila Grada. Pa ja želim samo da im odam priznanje za trud.

Evo ja sam kasnio u salu jer sam razgovarao i sa predstavnicima nevladinih organizacija koji će dakle nastaviti, sutra su kod mene u pola deset. Ovdje ja bi molio eto samo za malo, malo razumjevanja. Dakle, ova nagla industrijalizacija, pokazalo se da je nanijela velike štete građanima Tuzle. A moglo je da ne bude tako. Ali to su štete koje traju zadnjih 120 godina. Vi u Bukinju i Šićkom ne spominjete problem jer su ovo gori problem od Termoelektrane, ne

spominjete probleme od hemijske industrije. Ne spominjete problem od napuštenih rudnika i rudnoga polja itd.

Dakle mnogo je problema ostalo. Evo da samo vam kažem, recimo svi kažu da je najgora katastrofa ekološka slijeganje tla na balkanu, kao zemljotres u Skoplju, tu su recimo najviše bile pogođene gdje su morali ljudi da sele iz kuća mjesne zajednice Stari Grad i Centar. Potapanje jame Tušanj ugrožava mjesnu zajednicu Tušanj i dio Slatine itd.

Kad je u pitanju Šićki i Bukinje i Husino, tu je problem kod Šićkog i Bukinja ne samo zrak, nego i tle, jer ono jedno šljačište kad poklopi kvalitetnu zemlju koju geologija formira dva miliona godina, tu više nema, nema života.

Dakle, vrlo su složeni problemi. Meni je važno da smo mi ušli u dijalog. Da možemo razgovarati i o našoj namjeri da šljačišta nikako i nikada ne bude, a to je taj projekat da se šljaka, pepeo i pijesak utiskuju u jamu potopljenu Rudnika Tušanj, a zatim u Tetimu, to je isto jedan važan, važan projekat. Jer su šljačišta veliko zlo.

Ja hoću da kažem da smo nagomilanih problema 60 godina i ne mogu se riješiti odjednom.

Ja nisam zadovoljan onim što je urađeno u zadnjih deset godina, ali je u zadnjih deset godina urađeno više nego u predhodnih 50. Ne može odjednom.

Napravljene su neke zajedničke pobjede. Vi da se niste bunili kada smo ganjali zakon o izdvajanju dijela prihoda od Elektroprivrede ne bi mi to se izborili. Jer je i prije bio federalni Parlament ovo o čemu je Kemal govorio.

Ja bih uz ove zaključke htio da vam kažem, da je najvažnije da smo u dijalogu I da za ovako nagomilane probleme treba više koraka. Ova tematska sjednica je prvi korak. Prvi korak koji može da se realizuje 31-og konkretno odlukom da se prvo to uradi. Jedno po jedno. Dakle da je duplo jeftinije nakon ove odluke nego što je bilo prije ove odluke koju donesemo. Duplo jeftinije.

U prosjeku duplo jeftinije. Nekome ko je od ovoga glavnog primarnog voda udaljen 50 metara, a ima vas i takvih to je više nego duplo jeftinije. Jer samo oni koji su u prvom redu kuća njemu je desetak metara. A sve je preko deset. Zato kažem ja onako okvirno duplo ovo dokle smo došli.

Dalje, slijedeći korak treba da bude 31. 10. a u međuvremenu da se nastavi sa savjetima dijalog i evo proširit ćemo ga i sa nevladinim organizacijama što da ne.

Treći je Budžet Grada koji se usvaja u decembru za 18-tu godinu. Zatim, ja bi volio da se uz ove zaključke koje je Komunalna služba predložila doda još jedan, to su vezani za energetska efikasnost.

Pošto su ove mjesne zajednice samom blizinom Elektrane, evo neka nikako ne zagađuje, blizinom fabrika, pogotovo blizinom napuštenih fabrika kojima niko ne upravlja, specifičnije nego drugi ugroženi. Ja mislim da kod projekata energetske efikasnosti jer mi apliciramo a i neke pare budžetom predviđamo kod poticaja za utopljanje zgrada da se stavi 10 cm, ko stavi 10 cm na kući 40% troši manje grijanja.

Kod projekata energetske efikasnosti u gradu, bude zaključak dame i gospodo vijećnici ovog Vijeća, uvijek ti projekti da počinju od ovih mjesnih zajednica. Dakle tiču se cijelog grada, ali da počne od Bukinja i Šićkog.

Dogodi se da se osvoje neke pare recimo za material, za stiropor. Govorim dakle o poticaju. Ne obećavam ovdje da ćemo napraviti fasadu na privatnom objektu u vlasništvu građana nego da ćemo davati poticaje ko se odluči da mijenja otvore, vrata, prozore, da ne puše i da fasadu pravi, a kako bi trošio manje energije.

Obzirom da i taj zaključak imamo, jerk ad imamo taj zaključak vijećnici onda možemo uz ove naprijed spomenute zaključke.

Dakle, mi ćemo nastaviti ovaj dijalog u više koraka. Ovo je prvi korak. Ponavljam, drugi 31. kad se donosi odluka, treći budžet kad se donosi budžet da vi vidite koliko će para da ide na prostore ovih mjesnih zajednica iz budžeta Grada u razne komunalne. U razne, nije samo u ne govorimo sad, ja govorim o ovim mjesnim zajednicama o svim komunalnim problemima, putevi, kanalizacija itd. u razne komunalne projekte I da se samo doda u energetske efikasnosti. Dakle, radit ćemo projekte za cijeli grad, ali da svaki projekat počne od ovih mjesnih zajednica, pa da se onda nastavi.

Eto to je ono što sam htio da kažem. Molio bi za razumijevanje, mi ne možemo doći do drugog koraka dok ne napravimo prvi. Da nam se prihvati ovo na čemu smo dosta radili da nam taj trud ne propadne i ovo je mnogo bolje nego juče, a onda da nastavimo, da nastavimo dalje.

Ne može biti da će biti evo jedna sjednica i doviđenja. Mora biti više koraka jer se drugačije problem ne može riješiti.

Samo bi vas to molio. Samo jednu malu dopunu dok projekata dakle energetske efikasnosti. Eto toliko.

MIREL MIŠKOVIĆ

Zahvaljujem gradonačelnice. Otvaram raspravu klubova vijećnika. Za riječ se javio Mirnes Ajanović Klub vijećnika BOSS.

MIRNES AJANOVIĆ - vijećnik Bosanske stranke

Još jednom pozdrav svima, posebno građanima koji su ovdje i oni koji će gledati sjednicu Gradskog vijeća i na taj način izvršiti svoju građansku dužnost da budu upoznati kako ovo Vijeće radi.

Ova sjednica je rezultat između ostalog zaključka sa prošle sjednice. U ovom materijalu imate u uvodu grešku. Nije 11-ta sjednica bila 29. 8. nego 28. 9. tehnički. Ovo govorim iz razloga što okolnosti, evo sticajem okolnosti da je greška u datumu. Okolnosti održavanja ove sjednice su bile neuobičajene.

Građani su došli pred Gradsko vijeće, pred ovu zgradu 28. 9. iz razloga što su očekivali da će na dnevnom redu biti ova tačka dnevnog reda.

A nije bila. A obavezno bi bilo da se uvrsti jer je 5. 7. ove godine na Kolegiju odlučeno da će biti u septembru tačka dnevnog reda i ljudi su došli s opravdanim razlogom na sjednicu Gradskog vijeća.

A mi, kao gradski vijećnici, nismo im obezbijedili tačku dnevnog reda i bili su ljuti normalno. Sasvim opravdano da su bili ljuti. I šta se desilo? Htjeli su da vas vrate. Da ih vrate hajte vi kućama, a mi ćemo donijeti odluku o vama onako, na Kolegiju.

Dva sata je trajala rasprava. Čekali su svi i oni napolju i mi u ovoj sali ko je sjedio tamo u holu. I odluka je bila Kolegij će vam saopštiti da se trebate vratiti kućama a biće sjednica. Ja sam bio protiv toga.

Podpuno je bilo, za mene, neprihvatljivo da zbog naše greške koliko smo mi krivi koliko nije administracija uradila, nije bitno, naše greške Gradskog vijeća, mi prema vama postupimo na način da kažemo hajte vi kući.

I revolt građana je bio opravdan. Kada smo vas primili u salu gdje se održava Kolegij, utimaturno je bio sedam dana od 28. 9. da se održi ova sjednica. Niste htjeli da razgovarate o drugim datumima.

Ovo govorim iz razloga što treba da se zna, razgovarao sam sa građanima, sa svima, sa predstavnicima, dali su mi iz Kolegija odobrenje da razgovaram jer je bila atmosfera dosta ovako ugrijana, uslovno rečeno. I dogovorili smo da bez incidenata, eto na prošloj sjednici, u okviru pet minuta riješimo problem, da vam damo informaciju zašto nije održana sjednica, da će biti ova. Bez ijednog incidenta otišli ste kućama. Bez ijednog incidenta došli ste ponovo danas.

A meni su rekli, ja naljutio parlamentarnu većinu što sam to uradio. Naljutio ih.

Što sam smirio situaciju, zbog greške administracije i ostalih koji su trebali biti odgovorni da naprave i pripreme sjednicu prošli mjesec.

Što sam spriječio događanje naroda podpuno opravdano, skandal. Skandal jer nismo mi kao Gradsko vijeće obezbijedili vam tačku dnevnog reda.

Ja njih naljutio. Gospodo draga, ako ja vas ljutim što mislim svojom glavom unaprijed u vaše ime i vama omogućavam da budete pred ovim ljudima čistog obraza, nemojte da ja budem u parlamentarnoj većini. Recite to otvoreno. Nemojte iza kuloara pričati o tome da sam vas naljutio.

Budem li ja još jedanput čuo takvu apsurdnu vašu nekakvu informaciju neću ja biti u parlamentarnoj većini.

A onda to znači sve ono što sam ja i BOSS što znači svom snagom udarnom, a znate kako to prezentujem. Ako niste bili sposobni dovoljno da razumijete šta sam prošli put radio ne zaslužujete nas.

A dobro ćete to zapamtiti. Shvatite kako god hoćete. Ali uticaj opozicije, nisu ni oni bili shvatili tada dobro, šta znači kada građani dođu pred Gradsko vijeće i traže svoja opravdana prava. Ni oni nisu shvatili. Jeste da su neki kasnije se povukli pa su rekli u pravu si. Ipak trebate kada ste došli imati tačku dnevnog reda.

Evo je. Uz vaš angažman, da niste došli, ne bi ni bilo. Pitanje je kada bi se ovo ovako pripremilo. Ne bi uopšte bilo. Ali uz vaš angažman, uz njihovu ljutnju na mene, a ne razmišljaju šta znači ako mi budemo ljuti na njih. Ne razmišljaju na način kako treba razmišljati u datom trenutku i reagovati kada dođu građani i ne igrati se sa građanima. Zaboravljaju februar 2014. kada su bježali od vas.

Kada nikog nije bilo na ulicama. Nisu smjeli proći cestom. Kravetu nisu smjeli staviti. Mjesecima. To su zaboravili. A ja nisam. Ni tada se nisam bojao izaći pred 12000 ljudi. a iza toga sat vremena je izgorila zgrada Vlade. Kolika je bila, uslovno rečeno, opasna situacija za one koji nisu građani. A i tada sam sa vama u razgovoru za dva minuta faktički riješio sve probleme.

Ovo da se zna. Neću im, bosanski, halaliti to što su ljuti na mene jer sam faktički sebe isturajući, zaštitio njih. Gospodu. drugove, neću o damama i drugaricama. Biće prostora za dalji osvrt na gospodu i drugove u narednom periodu.

Blag sam sad. Zaista sam blag bez obzira kako oni mislili, koliko je njima mrsko slušati šta se govori na sjednicama Gradskog vijeća i koliko neki jedva čekaju da izađu iz ove sale jer im je mrsko biti ovdje.

Iz parlamentarne većine takođe, samo gledaju na sat kako će se što prije završiti, hajmo hajmo idemo idemo. A hoćemo li pričati ono što je u interesu građana ili ne, nebitno je. Samo može završiti se kako jesu li rokovi, koliko je minuta. Čuli ste priča o minutama. Što se to danas govori o minutama koliko imamo raspravljati da se podsjećamo?

To mi kao ne znamo jel. Pa nama treba reći nešto koliko šta se raspravlja. Govorite vi kad istekne vrijeme. Nema veze. Onemogućite da govorim. Ja ću se javljati svaki put kad istekne onaj jedan razgovor, pa ću opet svojih pet minuta tražiti.

Kako danas se počinje to? Priprema se atmosfera poslovnici, u okviru Poslovnika. OK. Pratite kad počnem, pratite kad završim.

Blag sam samo zahvaljujući jednom čovjeku koji je bio korektan, prije ove sjednice. Gradonačelnik. Samo da znate. Blag sam. Da nije bilo gradonačelnika ovo Vijeće danas ne bi bilo ovako. Bilo bi drugačije. Garantujem vam. Ne bi vam oprostio prošlu sjednicu. Bez obzira koliko mislili da ste jaki, da ste moćni, da imate ruku. I prije su mislili pa su požalili.

Tu ste gdje ste. Dobili ste izvještaj. Uradilo se. Malo se i kasnilo. Ja sam morao i medijski tražiti od gradonačelnika i predsjedavajućeg Gradskog vijeća garanciju jer prošla su poslovnička (nerazgovjetno izgovorena riječ op.a.) nije bilo jasno zašto to nemamo informaciju, kakva smo mi to parlamentarna većina ako ni vlast nema informaciju o sjednici.

Hajde što opozicija ne zna, ipak reče nećemo da im kažemo. A što ja to ne znam? Šta sam ja tu? Predsjednik Kluba? Predsjednik Stranke? Ako je parlamentarna većina, nosimo teret svega. Pojma nemam. Pitaju me novinari, građani i ostali, ima li sjednice, ne znam.

Zato je Kolegij usvojio zaključak i tražim predsjedavajući da se pročita taj zaključak da se na Vijeću usvoji taj zaključak.

Kolegij Gradskog vijeća traži od gradonačelnika Grada Tuzla, kao predlagača, gradski službi i drugih obrađivača materijala da sve materijale koji se upućuju Gradskom vijeću Tuzla na razmatranje dostavljaju u rokovima propisanim Poslovníkom Gradskog vijeća Tuzla, a u slučaju, da iz bilo kojeg razloga to nisu u mogućnosti učiniti, traži se od gradonačelnika Grada Tuzla da upozna predsjednika klubova vijećnika, odnosno članove Kolegija Gradskog vijeća o razlozima kašnjenja dostavljanja materijala.

Da to bude zaključak, da se poštuje Gradsko vijeće. I da znamo kada nas pitaju gdje smo, pogotovo kada prođu poslovnički rokovi.

Eto toliko u uvodu. Ako nije isteklo vrijeme ja bi sad o ovom konkretnom prijedlogu.

Dobili ste evo INFORMACIJU O TOPLIFIKACIJI SA POSEBNIM AKCENTOM NA MJESNE ZAJEDNICE U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA, dakle nije samo u pitanju Šićki Brod i Bukinje.

Centralno grijanje je pitanje opstanka svih građana Tuzle. Ja sam na Stupinama. Vrlo daleko od Termoelektrane. Ne mogu prozor otvoriti. A isto tako u svakom drugom dijelu grada. Gotovo je. Polje niskog pritiska, oblačnost, pogotovo i kad je nema, kad ima polje niskog pritiska nema, neka jedna, dvije, tri kuće nalože, nema zraka, gotovo je. Pogotovo kada brojne kuće okolo nalože. Dakle, ovo nije pitanje samo Šićkog Broda, Bukinja, Husina, okolni mjesnih zajednica.

Bukvalno opstanka građana Tuzle. Ja sam više puta govorio mi ne vidimo, ne vidite, šta Termoelektrana prouzrokuje svojim radom. U pola ljeta kada je potpuno čisto, kad mislite da je savršen zrak imali smo priliku da vidimo. Kilometar iznad grada, iz pozicije Kalesije, tamni crni oblak iznad grada. Samo kad ima dobra strujanja, kad postoje, tad zrak može biti relativno čist.

I ovo je dobro proširena rasprava, ne samo na vas, ne samo na vas dio problema, međutim, obzirom na propise, na osnovu kojih dobijamo oko 5.000.000 maraka godišnje, odnosno Zakon o izdvajanju i usmjeravanju dijela prihoda preduzeća ostvarenih radom termoelektrana, gdje stoji šta je predmet Zakona u članu 1. Dakle, izdvajanje i usmjeravanje dijela prihoda preduzeća ostvarenih radom termoelektrana, korištenjem prostora infrastrukture na kojoj se nalaze instalacije, objekti, postrojenja za proizvodnju električne energije, odlagališta, šljake, pepela i sličnog otpada nastalog radom termoelektrane te deponije uglja. Sve je to dole kod vas. Jesmo mi odvojeni i gušimo se, ali vi se direktno u Zakonu, nije ovde Stupine ili neki drugi dio grada. Govorim tamo gdje ja živim. Gdje se možda u nekom dijelu perioda možda gušimo više nego vi, vjetar puše odozdo pa odnese elektrana ovamo sve ono što zagađuje. Ali Zakon ne gleda kako puše vjetar, nego gdje stoje ti objekti, a to je dole Šićki Brod i Bukinje.

I z aista opet moram reći, možda se mi više gušimo i sigurno kada mjerimo veće je zagađenje ovdje i gore nego nekada dole.

Dole kada je mirno, kada nema vjetra, vi ste pod udarom. Ali opet ću istaći, nema toga u Zakonu. Dakle, Šićki Brod, Bukinje pa ove još okolne, kako neko kaže šestarom, kolega Imamović, zaokružimo mjesne zajednice su u Zakonu direktno u članu 1. a onda šta kaže član 6.

Sredstva ostvarena po temelju ovog Zakona vode se na posebnom računu proračuna opština, odnosno gradova i koriste se namjenski za poboljšanje života uvjeta građana naročito za finansiranje i sudjelovanje u finansiranju projekata iz oblasti zaštite okoliša, energetske učinkovitosti, efikasnosti da budem precizniji, izgradnju komunalnih infrastrukturnih objekata, kao i gradnju objekata za poboljšanje zdravlja i kvaliteta života, u zagradi, vodovod, kanalizacija, centralno grijanje, lokalni putevi, mostovi i zdravstveni objekti i oprema i slično. Zato gradonačelnik kaže budžetom što će biti sada za narednu godinu biće i ovi drugi, evo recimo komunalni projekti vodovod, kanalizacija koju takođe imamo pravo da ih finansiramo iz ovog dijela sredstava. I dobro je, pohvalno je što je već rekao da će biti u evo u decembru rasprava o tome za budžet za narednu godinu. Ali u centralnom grijanju.

Na još nekoliko ću podsjetiti činjenica. Evo zaključak 30. 3. 2016. brojni zaključci su bili u okviru građanske inicijative mjesne zajednice Bukinje, Šićki Brod, u vezi sa rješavanjem pitanja priključenja kolektivnih i individualnih stambenih objekata na sistem centralnog grijanja i Izvještaj o kvalitetu zraka na području Tuzla.

Izmjeđu ostalog pod dva. Gradsko vijeće Tuzla urgira na realizaciji ranije usvojenih zaključaka u vezi sa omogućavanjem individualnim objektima priključenje na sistem centralnog grijanja na način da za sve zainteresovane građane obezbijedi zajednička podstanica za jedan ili više objekata kao preduvjet za priključenje.

Ja ovdje, od kad sam u Vijeću, 20 godina, govorim o tome da je apsurdno praviti jednu podstanicu u jednoj kući. To košta 15, 20 hiljada maraka. Uz, računajte instalacija u kući, samo do kuće je bilo oko 15.000 maraka.

Gdje se mora promijeniti način da napravimo jednu podstanicu, pa iz te jedne podstanice da širimo mrežu, kao što recimo priključuje se električna energija.

Dobro ovdje ide cjevovod, OK i evo konačno smo tu negdje blizu. Konačno. Nakon dvije decenije, ali u ovoj podtački b) u zaključcima u vezi mjesne zajednice Šićki Brod i Bukinje. Sredstva obezbijediti putem rebalansa budžeta Grada Tuzle. Dakle iz budžeta, ne samo Centralnog grijanja.

Ovdje kroz ovu informaciju koju ste dobili faktički se govori da će to Centralno grijanje raditi. Nije dovoljno. Mi imamo ovih 5.000.000 maraka i dio sredstava se može upotrijebiti. Koliko rekoše? 170 imamo podstanica za Šićki Brod, koliko je tačno ovdje rečeno oko sto i, 250 ukupno. Eto pričaju o neke 2.000 maraka. Nama su u raspravi rekli da to baš neće biti 2.000 maraka.

Dvije ipo hiljade bilo, zavisi koliko se ko hoće priključiti. Taksa od 400 do 500 maraka priključenja, ode to opet na minimalno 2.500 do 3.000 maraka.

Ali evo i da je 2.000 maraka, imate li novac? Ko ima novac 2.000 maraka? Dole su većinom penzioneri, radnici sa minimalnim platama i moguće je to uraditi? I da vam daju na rate. OK. Zato moramo iz budžeta. Za ovih 270 to je pola miliona maraka. Dakle, faktički 10% od jedne godišnje naknade za ovo iz Zakona koji sam pročitao, gdje se vi u potpunosti nalazite.

Mislím da je iz ovih razloga podpuno opravdano i pred svim građanima i gdje ni jedan građanin, bilo koje mjesne zajednice u gradu neće smatrati to kao nekakvu nepravdu da isto kao što su kolektivni objekti spojeni na centralno grijanje u Šićkom Brodu besplatno, pa kao što dolaze danas ovde građani koji imaju grijanje u svom stanu i bore se za građane koji nemaju je li može biti previše, nikakav populizam, govorimo otvoreno. Je li može biti previše?

A opet kažem volio bi da smo učestvovali prije, ali nismo razgovarali. Ja kao član parlamentarne većine bejagi nekakve zakonodavne vlasti, pojma nisam imao informaciju ni o čemu. Ni šta će biti, ni kako će biti, koliko će biti. Ništa.

Ko i vi svi sam znao. Nisam imao prije priliku da razgovaram prije, je li to problem pola miliona maraka dati da se riješi ovim ljudima, kao što smo dole obezbijedili, kao što Sporazum o prijateljskom okruženju, evo ga i ovdje i taj Sporazum o prijateljskom okruženju je definisao obavezu da se rješava problemugovor o realizaciji Programa prijateljskog okruženja sa Opštinom Tuzla za izgradnjom Bloka 7 Termoelektrane „Tuzla“ 700.000 maraka je predviđeno da se izdvoji za nabavku i ugradnju toplinski podstanica u navedenim mjesnim zajednicama.

36 kolektivnih stambenih objekata je riješeno. Šta je sa ostalim? Zašto pravite neravnopravnost? Imamo puno zakonsko uporište po članu 1. Zakona i članu 6. na osnovu pripamo po 5.000.000 petnest miliona maraka za ove tri godine. Ide iduća ide već 20.000.000.

Deset posto da izdvojimo da obezbijedimo ljudima priključenje isto kao i ostalim. Nikakav populizam. Ovdje razgovaram. To je bio njihov prijedlog i svih nas. Mi smo čak imali i sjednicu Kolegija za ovu tačku dnevnog reda da možemo raspravljati.

Valjda možemo mi, kao članovi Kolegija, razgovarati i dati prijedloge kako. Ja ću glasati i za ovo bolje i 2.000 maraka pa na rate nego nikako. Bez spora. Nikakvog mi nećemo opstrukciju praviti prijedlog koji je pred nama. Ali tražim da se prilikom izrade, kako već govore Odluke, odnosno izmjene odluke uzmu u obzir i ove okolnosti.

I da se nama prostor da, bez sjednice, bez opterećavanja vas svih ili ostalih vijećnika koji hoće ili neće da slušaju, nekima je mrsko. Neki me mrze zato što to ja to izlazim pa radim. Ja ću raditi. Na način kako. Ako mi ne daju, na svoj način. A mogli smo ih ne opterećavati da smo imali Kolegij i mogućnost da raspravljamo prije. Nismo imali prije.

I mislim da se može riješiti na ovaj način. Dobro je, dobar je prijedlog da se ide i na socijalnu kartu, ali opet, prilikom odluke, ta socijalna karta mora biti za sve mjesne zajednice koje imaju mogućnost priključenja centralnog grijanja.

Dajte da ljudima koji zaista nisu u mogućnosti, a ima i penzionera sa penzijom od 300 maraka žive, ako je živ drugi bračni supružnik, na ivici egzistencije. I ovako će ako dobije, bar jednu grijati sobu koliko može, lakše je nego da bori se za čumur ili ugalj, ili već kako će tražiti subvencije kroz to. Kad već dajemo subvencije za ugalj, hajmo radije dati subvenciju da dobije to grijanje, pa onda se mi ne gušimo, a taj penzioner ima mogućnost da preživi i da je najvažnije, i to smo svi zauzeli stav, ugrijati se preko zime. Preživjet zimu. I nekako se (nerazgovjetno izgovorena riječ op.a.) više manje, ali kad je hladno gotovo. Razboljevanje, pa onda moraš lijek uzeti, tu nema kud će.

Dakle, u svim mjesnim zajednicama ovaj prijedlog koji se kaže pod tačkom tri. Prijedlogom mjera. Svim mjesnim zajednicama gdje bude već dovođeno centralno grijanje. Gdje će platiti oni koji imaju, naravno trebaju platiti, jer onaj ko ima i treba da plati. Nije to puno para. 2.000 maraka.

Zavisi, može biti 2.000 maraka, ako mi dobijemo informaciju i dobro je rečeno anketa pravi se tek nakon što napravimo odluku. Koliko će to biti građana. I što uzmemo više kupimo podstanica ili tih mjernih stanica, one su jeftinije može cijena padati.

Dakle ovaj dio kompletan koji se govori za Šićki Brod i Bukinje, treba vidjeti sve mjesne zajednice. Na isti ili sličan način tamo gdje procijenimo da je moguće, kao što su ostali dobijali.

I ako je moguće istu cijenu. Kako su i svi kolektivni objekti priključeni trebamo da sagledamo okolnost da priključujemo i individualne objekte.

Onoliko koliko su oni plaćali, dakle, ako je sad moguće da je tehnologija uznapredovala ili kupovanje više tih toplotnih mjernih mjesta, kako će ih već zvati, toplomjere, kalorimetara, ako se može jeftinije dobiti i da bude jeftinije. Da i ova okolnost bude razmotrena prilikom

donošenja odluke za narednu sjednicu koda već predviđa se izmjena a to je 31. ovog mjeseca je već predviđena sjednica.

Dakle, odluka se treba napraviti vrlo brzo. Ja čak, evo što se mene tiče, a nadam se da će i građani prihvatiti, ako se desi da ne bude sad napravljeno nešto za ovih sedam dana, eto jedna vrsta molbe, možda i ne treba, možda su sve pripremili. Ali i oko ovih drugih okolnosti koliko treba izdvojiti sredstava za plaćanje ovog i za Šićki Brod. Nemojte nas tjerati da to mora biti onda u oktobru, bolje je da bude u novembru ako možemo obezbijediti uslove da se plati, da se ne plati ništa. (Nećemo ni platiti.)

Nemojte s mjesta. Poštujte predsjedavajućeg. Nemojte s mjesta. Govorimo o stanju da ne mora to biti sad za sedam dana, deset dana, to je već kratak rok da se napravi, da imamo priliku razgovarati, analizirati, da sjednemo i mi sa šefom Službe za komunalne poslove, sa Suodom šefom Službe za finansije, pa da možemo i mi sa njima razgovarati o okolnostima kako riješiti problem, a ne pojedinci.

Slučajno sam ih zateko. Pa dobio dvije različite informacije o čemu se raspravlja na toj tački, na tom tajnom sastanku. Nije važno, hajde de. Ali da omogućimo rješenje.

E sad, da ne izlazim kao vijećnik, ako mi dozvolite, zašto imamo obavezu da uradimo ovo besplatno za njih.

Ja sam uzeo malo pogledao. Pogledajte, finansiranje javnih ustanova. Budžet za 2016-tu prijedlog. Za finansiranje rada javnih ustanova, čiji je osnivač služba, iz naknade Termoelektrane 30.000 Međunarodnoj galeriji portreta. Kako može biti finansiranje rada javnih ustanova?

Brojni su dodijeljeni. Ne moram sve. Izvodi iz budžeta. Evo zadnji, evo ostvarenje Budžeta za evo i prijedlog za 2017-tu grant za podršku privatnim preduzećima 150.000 maraka iz naknade od Termoelektrane.

Ako dajemo novac za ovo, svaka čast, treba podršku preduzećima, ali iz drugog izvora. Ali dajemo iz ovih sredstava koje po članu 1. i 6. Zakona isključivo imaju namjenska sredstva.

Da ne govorimo dalje. O 700.000 maraka koji su dati, da ne govorim zašto. Za još jedan grant 50.000, drugi grant 100.000, slijedeći grant 150.000 maraka.

Ovdje samo onako napamet milion ipo maraka. Samo za jednu godinu i sve iz naknade Termoelektrane. (A nama ne mogu grijanje dati.)

(MIREL MIŠKOVIĆ – Molim za pažnju.) Nemojte komentarisati, molim vas. Svakako će me još više neki mrziti nakon ovoga. Ali opet vam kažem, danas moja diskusija je podpuno drugačija od diskusije kakvu sam ja planirao kada sam jutros izašao iz kuće iz stana.

Razgovarao sam sa gradonačelnikom i samo iz tog razloga diskusija je drugačija. Možda se ni ovakva neće svidjeti mnogima. Baš me briga hoće li se svidjeti kome ili neće. Ne interesuje me, onakav više neću biti.

Ja ću učestvovati u parlamentarnoj većini, način da se ne donose bezobzirne apsurdne odluke, jer mi smo na prošloj sjednici usvojili materijal kojeg nismo dobili.

Ja nisam. Izašao sam iz sale. Edim Kadić i ja smo bili van. Materijal koji nije dobijen, Vijeće je usvojilo. To je sramota. To je presedan, mislim na Planeti se nije desio, parlamentarni presedan.

Ako dalje želite nastaviti na taj način da pojedinci odlučuju na način mrsko im slušati sjednicu, odnosno vijećnike, recite nam otvoreno drage kolege iz parlamentarne većine da smo višak, da vam smetamo, olakšajte nam. Hvala vam gradonačelniče na korektnim sugestijama.

Nadam se da sam u okviru tih korektnih sugestija i ja korektno odradio. Prema vama građanima imamo svi obavezu i mislim da evo ima dovoljno prostora da prvo nađemo potrebnog vremena da razgovaramo van sjednice, van Gradskog vijeća, da spustimo neke usijane glave koje su umislile da su prevelike i da mogu odlučivati i raditi kako hoće zahvaljujući broju ruku.

Da poštujemo jedni druge, da onako kako smo se dogovorili, da ćemo poštovati i ako naiđemo na probleme reagujemo, a ne da nekakvi reketaneri odlučuju šta će i kako raditi Vijeće.

Reketaneri u ovom Vijeću neće opstati. I ako budu u ovom Vijeću i ako budu u Gradskoj upravi i vladali razni reketaneri neće biti dobro. Reketaneri moraju odgovarati pred zakonom za zloupotrebu, ucjenjivanje, reketiranje. I neću dozvoliti, kao gradski vijećnik, koji ovdje već dvije decenije da pognute glave hodam pred bilo kojim građaninom.

Parlamentarna većina me interesovala samo iz razloga da pokušamo riješiti neke probleme na bolji način i to smo uradili, ali je došlo izgleda do zasićenja. Mnogi se osjećaju toliko veliki i preveliki da su počeli, neću koristiti a volio bi izgovoriti riječ nešto raditi po drugima članovima tima.

Ja u timu branim tim. Masu puta je Imamović, kolega Elvir i ostali napadali su razne, kad su ostali šutili, ja sam branio, branim tim. Zato što je moja dužnost u timu u kojem sam, ako imamo svrhu, razlog postojanja da djelujemo čestito, pošteno, pravedno.

Bez manipulacija, kuloara, iza leđa ili slično i branim i štitim integritet građana. Ako ja u tom timu što mislim svojom glavom i pokušavam zaštititi taj dio i prava građana, ne odgovaram, ne valjam, odnosno BOSS, nas dvojica Edim i ja, recite nam. Izaćemo sami. Ako hoćete da budemo sa vama onda više onako ne može.

To je druga tema. Hvala vam na vremenu koje ste mi dozvolili. Izvinjavam se bilo kome. Dragim kolegama iz parlamentarne većine koji vjerovatno razumiju i način zbog čega sam ovako reagovao i kolegama iz opozicije, a vjerujem da će ovaj vaš angažman i evo ovo što sam ja čuo danas od gradonačelnika u razgovoru kojeg smo obavili prije početka sjednice i prije početka Kolegija Gradskog vijeća, rezultirati da ćemo naći dobro rješenje i za sve građane i na kraju dakle štiteći vas od uticaja Termoelektrane, praktično pravljenjem tih ustupaka pogodnosti građanima koji su na ložištima individualnim i kolektivnim objektima, zaštititi sve nas i budućnost nas i naše djece i svih ostalih građana koji će doći i biti u Tuzli od karcerozni i smrtnosti i vrlo štetnog zagađenja. Hvala.

MIREL MIŠKOVIĆ

Hvala lijepo. Riječ ima Klub vijećnika HDZ. Jasminka Mijatović.

JASMINKA MIJATOVIĆ – vijećnik Hrvatske demokratske zajednice

Hvala gospodine predsjedavajući. Pozdrav za sve nazočne. Isprika, imam malo problema sa grlom. Ali moj nastavak će bit, odnosno nadovezat ću se na diskusiju koja je već započeta.

Složit ću se sa činjenicom da danas nemamo građane, odnosno da građani prošli put nisu bili pred ovom zgradom ne bismo imali tematsku sjednicu. No ono što je poražavajuće za ovo Vijeće, a pogotovo za gradsku vlast je, da nismo smjeli dozvoliti da se problem ne rješava na način komuniciranja sa Mjesnom zajednicom, uvažavajući činjenicu evo već nam je prezentirano da su građani ovaj problem detektirali, dostavljali kontinuirano informacije, izviječća, zahtjeve gradskoj upravi, o kojima nije raspravljano na ovaj način kako danas raspravljamo a mogli smo dogovorom riješiti mnogo ranije.

Mi u dostavljenom materijalu imamo zbunjujuće informacije i o njima ću govoriti. Nadovezat ću se na svoju diskusiju sa sjednice koja je održana 27. 02. 2017. godine kada smo govorili o zagađenju zraka i u tom kontekstu smo donijeli neke zaključke. I sama sam govorila da čak treba se i kreditno zadužiti da bi se subvencioniralo grijanje u mjesnim zajednicama Šićki Brod, Husino i Bukinje.

Međutim, imajući u vidu činjenicu da danas u materijalu imamo informaciju koja govori o proširenju zona toplifikacije sistema daljinskog grijanja Grada Tuzle moram reći da imamo zbunjujuće i poražavajuće činjenice.

Naime, nisam više na tragu ponuđenog zaključka pod četiri, da se građanima na rate odbija ono njihovo, iznos sredstava koji moraju platiti za grijanje a na osnovu pokazatelja koji se nalaze u dostavljenoj informaciji.

U ovoj informaciji koja je sačinjena nekad 2011. godine stoji, da je formirano Povjerenstvo 2009. godine koje je trebalo analizirati sistem daljinskog grijanja i to od strane predstavnika Termoelektrane i Centralnog grijanja.

Informacija, znači Povjerenstvo formirano 2009., Informacija 2011. i u Informaciji od 2011. stoji, da trenutno sistem daljinskog grijanja Grada Tuzle traži jednu kompletnu analizu. Znači od 2009. do 2011. trebalo da se analizira nešto što zahtjeva novu detaljnu analizu i tako čekajući analize i imajući uvijek pretpostavke za rješavanje probleme imamo situaciju da imamo probleme zagađenog zraka, nemanja vode, nemanja grijanja, komunalne infrastrukture u većini mjesnih zajednica, pa danas i ovdje kada je riječ o građanima Mjesne zajednice Šićki Brod i Bukinje.

Ono što me navelo da danas govorim drugačije, da sam protiv subvencioniranja, laički gledano na prošloj sjednici smo imali ovdje za govornicom izlaganje da tražimo jednakost građana pred zakonom. Ja sam za to.

Međutim, u ovoj informaciji stoji, da 34 toplinskih podstanica je u vlasništvu Tuzlanskog kantona i Općine Tuzla, a u vlasništvu Centralnog grijanja je pojedine toplinske stanice od kojih neke u naseljima Bulevar, Skojevska, Sjenjak, Slavinovići i Solina.

Ja sad pitam sve nas. Zašto Centralno grijanje ili Grad Tuzla, ne može biti vlasnik podstanice u Bukinju i Šićkom Brodu i da budu finansirana iz sredstava koje ste vi kolega pomenuli, a da građani dobiju besplatno grijanje na isti način kako je navedeno u ovoj informaciji? Znači i sama sam govorila o subvencioniranju. Međutim, ponuđeni materijal govori nešto sasvim drugačije.

Znači ako je jednakost, šta podrazumijeva ta jednakost, da negdje Grad Tuzla, Tuzlanski kanton i Centralno grijanje mogu biti vlasnici podstanice, a u Bukinju i Šićkom Brodu se traži od građana da izdvoje enormna sredstva. Pa čini mi se da je kolega Malikić pominjo i cifru od 12.000 maraka na nekoj od sjednica. To je ta poražavajuća činjenica koju imamo u ovom dostavljenom materijalu.

Dalje. U istoj informaciji imamo pobrojano, jedan, dva, otprilike petnaestak nekih projekata toplifikacije čitavog grada. Iznos tih toplifikacije čitavog grada iznosi 5.859,800 konvertibilnih maraka sa situacijom iz 2011. godine.

Od tog je milion i tristopedeset toplifikacija Gradine koju je finansirao UNDP, čak imamo i Batvu i Tušanj 265.000 maraka, koje po mojim saznanjima finansirala Vlada Tuzlanskog kantona i to je pokazatelj da je bilo potrebno uložiti nekih 4.300.000 maraka. To je jedna tranša od Termoelektrane. Znači to su sve pokazatelji iz materijala koji ste nam dostavili.

Znači čemu diskusija na tu temu o jednakosti, čemu diskusije da imamo preduvjete ili nemamo preduvjete. A ja se pitam ako je ovo Gradsko vijeće donijelo zaključke na sjednici od 27. 02. 2017. godine koje je bilo neophodno za realiziranje ovog i drugih projekata, zašto većina koja je tražila Informaciju, usvojila zaključke zajedno sa nama, nema konkretnu informaciju.

A ja ću probat citirat zaključke. Znači zaključak broj dvanaest. Gradsko vijeće traži, da se dostavi informacija o broju i troškovima priključenja na sistem daljinskog zagrijavanja u Mjesnoj zajednici Bukinje i Kula, kao pilot projekta, kako bi građani imali relevantne informacije kod priključenja na sistem daljinskog zagrijavanja. Je li mi imamo danas taj podatak? Ja ne vidim.

Dalje. Zaključak broj sedamnaest. Traži se od Gradonačelnika Grada Tuzla, da dostavi informaciju, izvještaj, o utrošku sredstava od prihoda ostvarenih Termoelektranom. Nemamo danas tu informaciju.

Traži se od subjekata na koje se odnosi zaključci da se dostavi informacija o njihovoj realizaciji na jednoj od narednih sjednica Vijeća. Za narednu ili jednu od narednih sjednica Vijeća. Mi takođe danas nemamo tu informaciju.

A iz izlaganja, izvinite imam problema sa disanjem pa malo teže govorim, kolega na sjednici od 27. 02., znači je određeno izlaganje, citiram, imamo rokove za narednu sjednicu ako se ne stigne objektivno može se desiti da ne dobijemo odgovor za patnaest dana, ali sigurno za sledeću sjednicu je dogovoreno da će svi izvještaji biti na raspolaganju o svemu onome što smo tražili. Evo nemamo čak ni danas.

Osvrnut ću se na. Što se tiče informacije koja nam je potvrđena ona detektira trenutno stanje i sukladna je naslovu o kome govori. Znači o informaciji koja je od nadležne službe dostavljena, ja nemam uopće primjedbi osim za zaključak četiri, ali ona ne detektira i ne rješava problem žitelja Mjesne zajednice Bukinje i Šićki Brod, ali ni svih onih na koje se odnosi ova informaciju koju smo dobili u materijalu iz 2011. godine.

Svaka informacija govori stvorene su pretpostavke. Mi u 2017. godini nakon informacija devete, treće, jedanaeste, govorimo o pretpostavkama. Ne može se više na terenu govoriti o pretpostavkama nego o konkretnim rješenjima. To je ono što je najveći problem.

Čitavo vrijeme govorimo o da su aktivnosti grada na prvom mjestu i da su naši građani na prvom mjestu, da konkretna rješenja su ponuđena i da imaju, ali nitko ih dosad nije vidio niti ih imamo danas u dostavljenom materijalu, nemaju svoje utemeljenje u Proračunu, nemaju utemeljenje u sredstvima dobijenim od strane Termoelektrane, nemamo prezentiranje rokova kad i kako će to biti riješeno, a o zakonskom utemeljenju je kolega i Ajanović govorio tako da ne pominjem o tome.

Sjetila sam se malo Izvješća Centralnog grijanja u kome je naznačeno da je od 2003. u sistem zagrijavanja, odnosno rekonstrukciji mreže, uloženo čak 30.000.000 konvertibilnih maraka za trideset godina.

Ponukana ovom informacijom koja traži ulaganja od nekih cirka 5.000.000 ili 4.000.000 maraka, sad se pitam šta je sa ovih 13, a mislim da evo ulaganja od strane Termoelektrane za tri godine bi u biti riješila problem ne samo žitelja ove dvije mjesne zajednice nego i više njih. Pardon.

Nadalje. Kad je riječ o tim aktivnostima od 30.000.000 maraka u istom je navedeno, da niti jedan individualni objekat nije priključen na sustav daljinskog zagrijavanja. Znači kakve konotacije imaju građani u praksi ako smo govorili želimo status grada da nam bude bolje pa smo dobili, ako želimo zakon o izdvajanju dijela sredstava da nam bude bolje, svi zakoni koji su doneseni na zahtjev ovog Gradskog vijeća i u korist bi trebali biti građana Grada Tuzle, ja ne vidim nijednog građanina da je ostvario dobrobit od strane svih tih aktivnosti i da implementacija od tog zakona u punoj mjeri u praksi doživjela transformaciju na način da imamo riješenu komunalnu infrastrukturu, uvažavajući činjenicu i zagrijavanja i čistog zraka.

Ono što sam primjetila u svim ovim informacijama je da imamo samo pretpostavke, da nemamo izvješća o realiziranju, da nemamo ponude. Ja sam i dalje na tragu da svaka priča o nejednakosti građana na osnovu dostavljenih pokazatelja pada u vodu i da svako izdvajanje sredstava iz proračuna i od strane žitelja mjesne zajednice Bukinje, Šićki Brod, je nejednakost prema onim građanima koji su dobili grijanje besplatno, ali čak i onih koji dobiju i kupe stanove imaju prioritet na priključak na centralno grijanje u odnosu na građane koji dugi niz godina to čekaju.

Sad se pitam da li oni koji imaju novac imaju šansu da dobiju građane, imaju šansu da dobiju grijanje pardon, ali oni koji nemaju novca znači nemaju šansu nikad da dobiju grijanje.

Ponukana izlaganjem gospodina iz mjesne zajednice da su na tragu rješenja, ja se radujem da će i ako se desi takva situacija, međutim osnovano govorim na osnovu dostavljenog materijala da nam nije ponuđen način na koji ne bi vlasništvo Grada Tuzle ili Centralnog grijanja a kako je u drugim mjesnim zajednicama bilo rješenje i za žitelje mjesnih zajednica Bukinja i Šićki Brod, uvažavajući i socijalnu kartu o kojoj je govoreno ranije. Hvala.

MIREL MIŠKOVIĆ

Zahvaljujem. Riječ ima Sabahudin Imamović. Klub SDA.

SABAHUDIN IMAMOVIĆ– vijećnik Stranke demokratske akcije

Hvala predsjedavajući. Vrijednost ove današnje sjednice je prije svega što je ona zakazana kao rezultat pritiska i građanske akcije, sinhronizovane dakle građana Bukinja, Šićkog Broda sa savjetima mjesnih zajednica. Dakle ja vam čestitam na tome. Jer uloga građana ne treba da se iscrpljuje samo na dan izbora, nego svaku vlast i na svakom nivou stalno treba pritiskati jer svaka vlast ima sklonost da se uspava i da ne radi svoj posao.

Dakle ovo je dobar način da se u prvi plan stavi jedna važna tema i slažem se sa Gradonačelnikom u jednom dijelu kada je rekao da se ovaj problem danas ne može riješiti. Ne može se riješiti na današnjoj sjednici jer suviše je krupan i potrebno je puno sinhronizovanih akcija da bi se riješio i da bi se građani s tog područja zadovoljili.

Dakle ono što je problem a što ova administracija uporno odbija i naše zahtjeva da područje Šićkog Broda, Bukinja i Husina prije svega, a možda da se zahvate i druga područja, budu obuhvaćena specijalnim statusom. To je suština. I da se kroz ovo Gradsko vijeće taj njihov status reguliše i da budu pripaženi u realizaciji projekata iz oblasti komunalne infrastrukture, između ostalog i toplifikacije.

Da smo u pravu kada predlažemo takav, takvo rješenje, govori i činjenica da je Elektroprivreda u ranijem periodu prepoznala da su upravo ove mjesne zajednice najugroženije kroz Program Prijateljskog okruženja.

Kroz taj Program koji je obuhvato Ugovor sa Gradom Tuzla realizovano je nekoliko miliona maraka i mogu odgovorno reći da su građani kroz taj Program realizovali više projekata, imali više koristi nego što ga imaju od stupanja na snagu ovog Zakona o izdvajanju i usmjeravanju dijela prihoda od termoelektrana. Dakle neka naselja su dobila kanalizaciju, vodovod i tako dalje.

Problem ove administracije je kampanjski pristup. Dakle mi smo zakazivali s, zakazivali sjednicu o zraku i ekološkim problemima onda kada se upali crveni alarm i kada djeca ne idu u školu. Mi danas raspravljamo o grijanju kada je počela sezona grijanja. Dakle mislim da je za neke stvari već kasno. Ova sjednica je trebala biti održana onda kad je planirana i od tada do danas smo imali dovoljno vremena da riješimo sve nesporazume.

Izvor frustracija građana prigradskih mjesnih zajednica, između ostalog i građana Bukinja i Šićkog Broda, je politika neravnomjernog razvoja. Dakle decenijama se vodi politika neravnomjernog razvoja koji sprovodi ova administracija. Dakle neravnomjernog ulaganja u projekte komunalne infrastrukture i to se lako može vidjeti iz Informacije o relizaciji Programa komunalne infra, Programa, GAP programa, gdje se vidi da su ulaganja u urbani dio grada i prigradske mjesne zajednice devet na prema jedan, a u najboljem slučaju osam na prema dva. Dakle to su činjenice.

Da bismo mi mogli riješiti ovaj problem, ovdje smo kao što je kolegica Mijatović rekla, trebali imati izvještaj gdje su utrošene, utrošena sredstva na osnovu ovog Zakona u prethodnom periodu. Na što su utrošena. Trebali bi vidjeti koliko je ova administracija, Služba za komunalne poslove, riješila komunalnih problema u ovim mjesnim zajednicama i koliko ih je još preostalo prema GAP-u i koliki je taj iznos. Ja vjerujem da to nisu velika sredstva i da je tamo najveća investicija toplifikacija.

Ali isto tako znam da u Šićkom Brodu treba novi Dom kulture jer je ovaj od kartona trenutni, da treba adaptirati tamo Dom boraca u Planama, da treba asfaltirati mnoge dionice još, da treba širiti mrežu rasvjete, a građani ovih mjesnih zajednica ako bi dobili taj status koji priželjkujemo svi imali bi pravo i da se kvalitetno sva udruženja građana, sportski klubovi, kulturno-umjetnička društva i sve ono što građani žele tamo da upražnjavaju i kao što u nekim sredinama ima da se djeca šalju na more i planinu tokom godine.

To je prijateljsko okruženje i to je pravi način odnosa države prema svojim građanima, jer u Termoelektrani se proizvede 55% struje u Bosni i Hercegovini. Da je to na drugom mjestu sigurno bi bilo dosad riješeno. A nije riješeno zato što imamo političare kukavice, naročito oni koji odu u Sarajevo gore i ne znaju braniti tuzlanske interese.

Jedino što priznajem, nije baš jedino, ali jednom sam rekao da čestitam Gradonačelniku, mada je taj Zakon podržan od svih stranaka, a njegova inicijativa na ovom Zakonu o izdavanju dijela sredstava od termoelektrana. Naravno to načelniku ne daje pravo da troši sredstva po svom nahođenju. Moramo realizirati ovaj prioritet.

Problem u Šićkom Brodu je nastao onda kada su toplificirane zgrade kolektivnog stanovanja koje su takođe u privatnom vlasništvu. I tu je nasto problem. Dakle to je greška ove administracije i Službe za komunalne poslove o kojoj moramo progovoriti. I logično je da sada građani traže jer i kuće su u privatnom vlasništvu kao i stanovi, da traže da se taj, taj problem riješi.

Mi danas njega ne možemo riješiti. Ja znam da su građani umorni od naših istupa i od prevelike priče i suština je u sledećem. Koliko je para da dobijemo grijanje. Koliko ćemo platiti. Hoće li biti besplatno ili neće. Kolika će biti subvencije.

Ovo što je predviđeno znači asubvenciju u određenom procentu. Ja ne znam koliko, da li je to 50%, ali nije besplatno. I onaj prijedlog i Gradonačelnika i ostalih da se nastavi pregovarati.

Ali ja mislim da će se rješenje za ove mjesne zajednice, koje ne samo da su okružene šljačištima i da je zrak zagađen i tlo i vode, nego u tim mjesnim zajednicama samo nemamo slijeganje terena. Tamo su i rudna polja. Dakle tamo je koncentracija svega onoga što, što čini sumornu sliku Tuzle.

Dakle imamo i klizišta i šljačišta, imamo rudno polje. Dakle i podzemnu eksploataciju uglja. Znači Rudnik Bukinje, Rudnik Lipnica, Rudnik Mramor i područje površinskog kopa Šićki Brod koji nikad nije rekultivisan, a koji izgleda po nekim usijanim glavama treba da se pretvori u novo šljačište. Koje naravno nećemo dozvoliti jer je dosta šljačišta tamo. Neka ih šalju dole u neke druge dijelove Bosne i Hercegovine. Gdje troše naš novac.

Dakle mislim da predstavnici mjesnih zajednica u saradnji sa građanima trebaju nastaviti pregovarati sa Gradonačelnikom i sa ovom administracijom oko rješavanje ovog problema. Smatram da je krajnji cilj da ove mjesne zajednice, ne samo ove tri nego i druge, da dobiju specijalni status, a da se sukcesivno rješavaju njihovi problemi.

Dakle ne samo toplifikacija, nego i drugi komunalni problemi, ali i utopljanje je vrlo važno. Jer se time rješavaju i ekološki problemi i olakšava život, život građana. Toliko dakle.

Što se tiče informacije ja sam iskazao nezadovoljstvo s tom informacijom još na Kolegiju. Mislim da je trebalo puno više informacija. O, već sam govorio izvještaj o reu, o

utrošku ovih sredstava, izvještaj šta je urađeno po GAP-u i tako dalje. Dakle jedan kampanjski pristup koji je nedopustiv.

Ali evo započeli smo proces, istina kasnimo, ali treba nastaviti komunikaciju, jer jedini partner u rješavanju ovih problema je prije svega Savjet Mjesne zajednice a zatim gradska administracija. Treći način ne postoji.

Dakle mi moramo na pravi način artikulirati svoje zahtjeve, preko svojih predstavnika. Bili mi s njima zadovoljni ili nezadovoljni. Oni su naši predstavnici i nekad donose dobre i loše odluke, ali su naši predstavnici. Dakle nema ništa ni od, ni od događanja naroda, ni od siledžijstva, nego na jedan kulturni, civilizirani način nastaviti ovaj dijalog. Hvala.

MIREL MIŠKOVIĆ

Zahvaljujem. Riječ ima Elvir Kasumović, Klub Saveza za bolju budućnost.

ELVIR KASUMOVIĆ – vijećnik Saveza za bolju budućnost

Zahvaljujem se predsjedavajući. Opet želim da pozdravim sve građane Grada Tuzle koji će ovu sjednicu pratiti putem malih ekrana. Takođe želim da pozdravim predstavnike, odnosno građane mjesnih zajednica Bukinje i Šićki Brod i sve ostale prisutne u sali.

Vrlo je, vrlo je malo ostalo prostora da se sad kaže nešto nakon evo izlaganja i kolege Ajanović i kolegice Mijatović i Sabahudina Imamovića. Međutim, moram reći to da sam ja još u prošlom mandatu tražio izvještaj o utrošku sredstava lično od Gradonačelnika evo koji je tu i do dana današnjeg nisam dobio, a po pitanju izdvajanja ovih sredstava iz rada temoelektrana. Znači do danas dan nisam dobio taj izvještaj. Rečeno mi je da se taj izvještaj nalazi u Budžetu.

Međutim, u Budžetu je on razbacan onako kako je kolega Ajanović obrazložio i nenamjenski je razbacan, a lijepo ovdje sad samo da otvorim molim vas, ovdje je lijepo naznačeno u članu 6. kaže ovako. Govorim ovaj Zakon koji je namijenjen za izdvajanje sredstava.

Sredstva ostvarena po osnovu ovog Zakona, vode se na posebnom računu. Mi ih na posebnom računu u Budžetu nismo imali. Budžeta općina, odnosno grada i koriste se namjenski za poboljšanje životnih uslova građana, a naročito za, pa je navedeno tamo za infrastrukturu i tako dalje, a nikako za one stvari koje je kolega Ajanovića ovdje. I zbog toga nam je drago što nismo podržali ovaj Budžet za, za, za tekuću godinu, koji evo jednostavno pokazalo se neispravno da nisu namjenski trošena sredstva.

Tri godine već Grad Tuzla dobiva preko 5.000.000 maraka. Znači to je cirka nekih 16.000.000 maraka dosad u Budžetu.

Tražim zaključak sekretaru, da nam se za sljedeću sjednicu od nadležne službe pripremi izvještaj, koliko je od ovih sredstava uloženo u ove namjene regulisane članom 6. Zakona o preraspodjeli ovih sredstava. Pa ćemo lijepo dobiti izvještaj da vidimo šta je, gdje, gdje je to ko trošio.

Moram, moram, moram da, da kažem da u, problem u ovom Zakonu koji je regulisao ovu materiju nije samo to što su ona dodijeljena nekome, nego što u kaznenim odredbama nije regulisano. Samo je regulisano ukoliko onaj koji je dužan da isplati ta sredstva ne isplati u određenom roku koja su predviđena zakonom, da će se on sankcionisati. Znate. Odgovorno lice i institucija koja to treba da uplati. U ovom slučaju Termoelektrana.

Ali nikako nije regulisano i to da će se sankcionisati i kazniti lica koja nenamjenski troše ta sredstva. Znači evo ja vam obećavam da ću preko poslanika u Federalnom parlamentu tražiti, odnosno naših poslanika ili već iz Saveza za bolju budućnost, da već pripreme dopunu ovog

Zakona, da se u, da se traži da se u ovaj Zakon ugradi i član da se sankcionišu i osobe koje nenamjenski troše ova sredstva. Znači za prvu sjednicu.

Dobio sam jedan podatak i evo ovdje sad na sjednici da su određeni građani dobili besplatno a da se sad od drugih građana traže uplata tih sredstava. To je mislim poražavajuće. I onaj ko je na taj način kupovao glasove građane je napravio sam sebi problem. Sam sebi problem.

Sad imamo opravdanu, opravdani revolt građana, evo konkretno vas ovdje Bukinja i Šićkog, kako to neko može dobiti a ja ne mogu. Ne mogu postojati dupli aršini u ovom gradu, državi i tako dalje. Znači ne mogu postojati dupli aršini. Ako je zauzet jedan stav. Kaže se nije to bilo regulisano zakonom. Odnosno vaš zahtjev nije regulisan zakonom. Kako je tad bio regulisan? Po kom zakonu je tada to bilo regulisano? To su problemi.

Ovaj. Evo, evo, znači kolega Ajanović je tražio da se 10% od tih sredstava izdvoji za ove namjene. Sad ja mogu tražiti 50%, 70%. Ali ja tražim 100% za ove namjene koje su regulisane Zakonom. Znači nemamo mi više šta tu pričati dajte 10 ili 20%. Zakon je lijepo regulisao o, o, u koje namjene se ta sredstva mogu trošiti. Ta sredstva ne mogu nikako se trošiti u krpljenju budžetskih rupa.

Ako imate suficit u Budžetu i evo govorite da imamo evo već drugu godinu i drago nam je zbog toga što se javlja suficit, ali eto sa tim suficitom od prodatih zemljišta smo mogli ukoliko postoje te je li kažem budžetske rupe da se zakrpe, a sa ovim sredstvima dajte da ih usmjerimo u one namjene u koje jesu one date.

Najviše me boli, ovo iskreno vam govorim, i uvijek kad stanem za ovu govornicu iskreno vam govorim. Najviše me boli to što će se ovdje pričati, donositi određeni zaključci, ovo, ono, a nažalost evo poučen dosadašnjim iskustvom, što će to opet za naredni period ostati neriješen, neriješen proces.

Kad ćemo jednom da kažemo idemo u rješavanje tog i tog problema i konkretno da kažem, a ha, danas će to biti Bukinje, sutra Šićki Brod, prekosutra evo moja Mjesna zajednica Mosnik iz koje isto tako potiči. Isto koja je 70, možda i 80% nema, nema regulisano grijanje. I moram da vam kažem uz svo uvažavanje osoba koji su, koji su, danas koji se nalaze u Gradu Tuzla.

Najviše su, u svemu ovome da kažem kažnjeni ljudi koji su tu stotinama godina. Hajde nepopularan naziv ću reći autohtoni Tuzlaci ovdje. Mada sve ljudi poštujem. Ko god se nalazi u ovom gradu on je današnji građanin Grada Tuzle.

Međutim, starosjedioci hajde da kažem ovog grada koji su izgradili svoje kuće oni su nekako u najvećem, najvećoj mogućoj mjeri ovaj ovi u izgadnji Grada Tuzle da kažem gurnuti na stranu.

Ja znam da je najlakše pružiti vertikalnu u nekoj zgradi i riješiti nekome grijanje i tako dalje. Međutim, ne želim više da zauzimamo prostor za ovom govornicom, kažem dosta toga je rečeno i vjerovatno će još biti rečeno, ali ono što želim da kažem da ćemo mi, odnosno Klub vijećnika Saveza za bolju budućnost podržati zahtjeve građana ukoliko su oni opravdani, ali sve opet evo kažem da ne budemo mi populistički nešto ovdje da, da izlažemo, isto tako ćemo podržati i rješenja koja predlaže izvršna vlast a koji su u njihovim da kažem mogućnostima.

Tražiti ćemo, iznalaziti ćemo neko rješenje ali nemojte da snosimo svi istu odgovornost. Na tim sjednicama zasjeda evo parlamentarna većina, a evo sad Mirnes kaže da ni on nije pozvan na te sjednice i onda na kraju kad iskrse problem eh hajmo sad i opozicija da rješavamo taj problem. Izvolte gospodo kad ste napravili problem izvolte ga rješajte. Evo mi nećemo praviti uopšte nikakve probleme.

Sve što god se dogovorite po pitanju toga rješavanju i da ispoštujete volju građana i vi što u skladu sa vašim mogućnostima da uradite evo mi ćemo podržati. Ne želimo da budemo nikako dio problema, nego želimo da budemo dio rješenja.

Ukoliko možemo i smatrate da možemo i mi na neki način pružiti korisne savjete ili dati neke prijedloge za rješavanje ovih problema, pa brate dragi pozovite nas. Nemojte nas samo zvati na ove sjednice kad trebamo ovdje da rješavamo probleme, nego i na kolegije Gradonačelnika i tako dalje ukoliko smatrate za shodnim.

Prema tome, žao mi što kaže isto moj kolega Imamović što je tako velik ovaj problem pa se neće moći uskoro riješiti, ali evo opet kažem poučen ranijim iskustvom bojim se da će taj problem ostati problem i iduće godine i one tamo godine. Ne konkretno ovo što se tiče Bukinja i Šićkog Broda, nego i drugih naselja i tako dalje.

A i sad na osnovu izlaganja je rečeno da su određeni, ovdje za govornicom javno i pred sredstvima javnog informisanja, gdje je rečeno da su određeni građani imali besplatno uvođenje grijanja, sad će to biti veliki problem u Gradu Tuzla. Sigurno će biti veliki problem u Gradu Tuzla.

Ja znam da tih sredstava nema iz Grada da se svim građanima ugradi, jer to je vjerovatno evo po nekoj mojoj procjeni petsto miliona do milijardu bi koštalo uvođenje za sve građane Grada Tuzle ovo grijanje. A tih sredstava nema.

I kako i na koji način to da riješimo, evo hajde da pokušamo svi zajedno. Opet kažem želim da budemo dio rješenja a nikako dio problema i u svom punom svom kapacitetu Klub vijećnika Saveza za bolju budućnost će se staviti na raspolaganje i građanima i izvršnoj, odnosno, izvršnoj vlasti da pokušamo da riješimo ove probleme i da nikad više ove probleme koji se sada rješavaju i koji su dolazili ovdje na, na, na tapet da se ne guraju pod tepih, nego jednostavno da rješavamo problem po problem i da ne dobijemo nikad nagomilane probleme koje ne možemo jednostavno riješiti. Hvala vam.

MIREL MIŠKOVIĆ

Zahvaljujem. Riječ ima Gradonačelnik Grada Tuzle Jasmin Imamović. (JASMIN IMAMOVIĆ – Samo da zamolim nešto prije ovaj nastavka.)

JASMIN IMAMOVIĆ

Molim vas mi imamo na desetine tačaka dnevnog reda svakoga a najmanje jednom mjesečno za svaku moguću temu, a danas je tema Šićki i Bukinje. I mislim da bismo se trebali na to fokusirati.

Jer ako mi sad počnemo na svaku odgovarat ovo bi neki. Mislim ja znam tačno kome treba destabilizacija Tuzle. Kome nije briga za ove ljude ovdje, nego je briga da destabilizuje Tuzlu. Ali imat ćemo i tu temu, zvat će se političko-bezbjednosna situacija u gradu. Pa ćemo malo onda da kažemo popu popa, bobu bob. Ali nemoj sad da o tome pričamo jer su ljudi došli da čuju kako ćemo riješiti njihov problem.

Dakle ja ne mogu da vjerujem da neko može reći da u Tuzli nema vode. BH prosijek pokrivenosti mrežom, gospođo Jasminka Mijatović, BH prosijek je 65%, a u Tuzli je 95% i idemo na 100. Želimo ići i na 100%, ali ćete vi o tome odlučivati ovdje. Da vidimo je li rentabilno da bude 100%. Da se baš do svake kuće dobaci vodovodna mreža. BH prosijek 65%, tuzlanski pokrivenost je 95%. I ne možete reći da nema vode u Tuzli. Vjerovatno ste mislili na Sarajevo kad ste to govorili.

Dalje. Ja vas molim kod trošenja sredstava da citiramo Zakon, da ne odlutamo, ali da onda se vratimo na Bukinje i Šićki. Član 6. kaže: Sredstva ostvarena po temelju ovog Zakona vode se na posebnom računu. Ima poseban. Misli se Kasumoviću na žiro račun i leže samo na tom računu te pare. I koriste namjenski za poboljšanje životnih uvjeta građana.

E vidite sad. Ovo je stav jedan. Ovo je stav jedan. Pošto po Aalborskoj konvenciji zahtjeva ona kvalitet života, može se podvesti pod sve životni uvjeti građana. Pod sve. Evo lift u Domu zdravlja. Pa ja vam tumačim propis. Da ne bi se otišlo preširoko.

Zakonodavac ovdje kaže, a naročito za. I nabraja naročito za. I ovdje govori on, da ne ponavljamo više, ima zaštita okoliša, ima komunalna infrastruktura, pa nabraja, a ima i finansiranje projekata za lokalni ekonomski razvoj. I. Ali ja ne bi ni u to tumačenje sada ulazio. Ne bi ni u to tumačenje sada ulazio.

Jer mi jednostavno, ljudi su došli da čuju šta ćemo mi za Bukinje i Šićki. I ja bi molio da se tu (To nas interesuje.) ovaj fokusiramo.

Kada se piše tamo stvoreni uvjeti, misli se na primarni vod koji je izgrađen. Na primarni vod koji je izgrađen. A tema je ove sjednice, može li da se to više ne smatra stvorenim uvjetima, nego da se to šta je primarni vod produži do zida objekta svakog. Pa bio on daleko 50, 100 metara, ili 10 metara od objekta.

Mislim da je to tema, jedan od prijedloga jednih ovih zaključaka. I to bi bilo prvi puta kako ovo postoji. Prvi put kako ovo postoji.

Kad se radi o stambenim zgradama. Pa nova stambena zgrada kad se plati kupac stana plati sve i podstanicu i grijanje i to mu je u cijeni kvadrata. Onaj ko plati kvadrat plati sve i krov i fasadu i lift i šta ja znam, ove nove zgrade što se prave. Dakle mislim da ne stvaramo razbacivanje na druge teme. Potrebu da se replicira. Dakle to što nismo replicirali na neke diskusije je samo razlog da ne odlutamo od teme.

Ja sam naročito potrebu imo da repliciram na diskusiju gospođe Jasminke Mijatović. Naročito tu. Ali evo neću da repliciram da ne odlutamo od teme i da ne propadne ovaj dan.

Dakle ja smatram da treba iskoristiti ovu tematsku sjednicu iz kojih god ona razloga nastala. Pritisak građana. Da. Nama treba pritisak građana korektan, dijalog da znamo da je to tema. Da se pomogne ljudima da se priključe na grijanje. A ne izvrtanje u vezi s tim ili bilo čim, nečeg sasvim drugog, o čemu ćemo razgovarati na jednoj tematskoj sjednici Vijeća.

Dakle ja vas molim, ovo je prilika, prvi korak je da bude odmah do zida. To je prvi korak. Mi imamo priliku za drugi korak kad budemo pisali odluku. Ja očekujem sugestije u vezi s tim. Konkretno sugestije.

Meni je drago da sam čuo gospodina i ovoga Ajanovića i njegove sugestije ovdje. Da sam čuo gospodina Kasumovića. Da sam čuo. A tu smo da čujemo sugestije. Ali mi imamo vremena za njihovo ugrađivanje. Nama treba sad jedan minimum da kažemo na ovoj odluci, ovo danas zaključak da bude pa da će ući u odluku, da to ne ide primarni vod na kojem ima jedna zajednička podstanica. Druga je podstanica.

To je puno jeftinije u neboderu, a drugo je ova podstanica što je na cesti. Gdje je možda 80, 90% podstanice iz, a ostalo desetak posto je podstanice mjerna podstanica u individualnom objektu.

I da kažemo da je do zida ovo. Nekom je to jeftinije za trećinu, nekom je to jeftinije za dvije trećine u odnosu na postojeću cijenu dok mi ovu odluku ne donesemo.

Da uradimo taj prvi kroak. Da nastavimo dijalog. Drugi korak je 31. ovaj mjesec. A treći korak je budžet, decembar ove godine. I da nastavimo s tim dijalogom.

Problem je izbio što smo mi zamislili da građani kolko je stolica sjede na mjestu određenom za građane, a da drugi gledaju na monitor. A na monitoru nema tona. Da znate i to. I. Pa dobro mi nismo znali da nema tona. Ovo molim vas nije naša sala. Ovo je sala Kantona. I mi

ovo iznajmimo na jedan dan i tako dalje. I. Pa je i to jedan od problema. Što jedni građani čuju šta mi pričamo, drugi ne čuju. Ali eto izat ćemo razgovarati sa građanima da probamo to pojasniti.

Ja vas molim ako bi mogli da budemo operativni. Da ne idemo sad na razne teme. Odvuče nas od glavne teme. A glavna bi tema bila ovaj prijedlog zaključaka gdje sam ja predložio da se doda i ova energetska efikasnost, da se kreće od ovih mjesnih zajednica. Kad se krene. Od ovih. To je.

I vidjet ćemo mi kod donošenja, i da krenemo ka donošenju odluke 31. na Vijeću. I da to bude prvi korak. Prvi korak je riješeno. Nekom trećina, nekom polovina, a nekom dvije trećine potencijalne investicije za priključak. A onda da razrađujemo dalje.

Ja vas molim, jeste da se kasni, ali da znate da je Tuzla prvi grad u BiH koji je pristupio toplifikaciji individualnih objekata. To nijednom drugom gradu nije na kraj pameti. Dakle nije to jednostavno i lako. (Ma kakvi. Šta je za Šićki?) (MIREL MIŠKOVIĆ – Molim za mir u sali.) Evo za Šićki su ovi zaključci koje je predložila Komunalna služba.

Da uradimo prvi korak. Ponavljam. Da danas iskoristimo dan, da danas nakon ove odluke bude bolje nego juče. I da onda drugi korak bude ponovo komunikacija sa savjetima mjesnih zajednica, a ja sam dvojici predstavnika nevladine organizacije obećo i s njima, ka drugom koraku 31-om ovom oktobru mjesecu, a treći korak je imamo vremena, ovo će Vijeće utvrđivati budžet za 18. godinu.

Eto to je moj prijedlog da na taj način izađemo iz ovoga a da ne bude da ništa nismo uradili. (Imaju te pare izdvojene. Rekli ste stalno da imaju te pare.)

MIREL MIŠKOVIĆ

Molim da se ne priča sa mjesta. (Samo ih usmjerite. Imaju te pare.) Molim vas. Molim vas nemojte sa mjesta. Ispravak krivog navoda Jaminka Mijatović. (Odo ja tamo gdje nema tona.)

JASMINKA MIJATOVIĆ

Ja sam osoba koja želi da ovaj grad bude naj, grad najugodnijeg i najboljeg življenja, ne samo u državi Bosni i Hercegovni nego na planeti. Ja sam rođena u Tuzli i moj pradjed je rođen u Tuzli i ja živim zato što volim Tuzlu u Gradu Tuzla.

Nisam uvjerena da mladi iz Grada Tuzla danas žele živjeti u Tuzli. To je moja diskusija ponukana tom situacijom i materijalom koji smo dobili. Ovo je materijal koji je dobilo 31 vijećnik u ovom Vijeću.

I moja diskusija je na osnovu fakata i činjenica koje je netko napisao 2011. godine a koje smo mi dobili u materijalu.

Drugo što želim reći. Ja nisam pomenula vodu u kontekstu onom o kome je govorio Gradonačelnik, ali mogu reći da u XXI stoljeću u Gradu Tuzla najmanje sedam mjesnih zajednica nema vodu.

Nisam željela ići od teme. Nisam govorila da svaka kuća treba imati priključak, nego se treba pronaći način vodosnabdijevanja bilo kojem u mjesnoj zajednici, odnosno svih 40 mjesnih zajednica. Nisam o tome govorila.

Današnja, dnevni red točka glasi ovako, razmatranje informacije o toplifikaciji sa posebnim akcentom na mjesne zajednice u kojima postoje uvjeti za priključenje na sistem daljinskog zagrijavanja. Takva je i ponuđena informacija. O informaciji negativnog izlaganja uopće nisam imala.

Ali građani Šićkog Broda i Bukinja očekuju način rješavanja toplifikacije u njihovoj mjesnoj zajednici a ne informaciju o stanju u ostalim mjesnim zajednicama.

Diskusija moja je bila u tom kontekstu i u kontekstu toga da stvaramo uvjete boljeg življenja a definitivno ima stvari kojima se možemo pohvaliti svi mi u Gradu Tuzla i ni u kom slučaju ne govoreći o onome što je načelnik rekao, a ja vam ponavljam kao građanka ovog grada, kao Hrvatica, kao građanka Bosne i Hercegovine, da najviše volim Grad Tuzlu, da sam tu rođena, a vjerujte mogla bi živjeti u mnogim drugim zemljama.

MIREL MIŠKOVIĆ

Zahvaljujem. Replika Gradonačelnik Grada Tuzle, Jasmin Imamović.

JASMIN IMAMOVIĆ

Prva vam je rečenica bila da mladi ljudi Tuzle ne žele da žive u Tuzli. I šta iz toga da zaključiti čovjek.

Molim vas. Neki dan predsjednica Republike Hrvatske, a Hrvatska ima lijepe gradove. Koji grad je ljepši od Dubrovnika, od Splita, od Rijeke i tako dalje. Lijepo podneblje, more, čisti zrak, nema uopšte problema grijanja, ni termoelektrana. Kaže, da odlazak ljudi mladih iz Hrvatske poprima oblik egzodusa. To zabrinjava i nas u Bosni i Hercegovini. To zabrinjava i naše susjede u Srbiji.

Nemojte Tuzli pripisivati to što svi odoše u Njemačku. Da vaša to nije bila prva rečenica, ja bi vam aplaudiro na vašoj diskusiji. Vi ste rekli, mladi ljudi ne žele da žive u Tuzli. Nema znači goreg grada. Ja sam to tako razumio. A to nije tačno.

MIREL MIŠKOVIĆ

Replika Merima Softić, SDP. Merima ima.

JASMINKA MIJATOVIĆ

A ha. Ja sam isto rekla. Ispravak krivog navoda. (MIREL MIŠKOVIĆ – A ha. Eto. Ispravak krivog navoda.)

Ja sam rekla da živim u Gradu Tuzla, da volim Grad Tuzla, ali da nisam sigurna da današnji mladi žele živjeti u Gradu Tuzla, imajući u vidu i činjenicu da ne žele živjeti ni na Balkanu, i moje izlaganje je bilo da nisam sigurna, a moji pokazatelji su stvarni, da imamo definitivno svakodnevno egzodus mladih iz BiH, a o čemu je na jednoj sjednici čak i kolega Kadić govorio. Sjećate se? Kad je riječ o Travniku i nekim drugim gradovima, da dolazite iz Travnika i da govorite o tome.

Znači ja volim Tuzlu, želim da živim i želim da moja djeca žive ali nisam uvjerena da su stvoreni preduvjeti koji mogu dobiti u nekim drugim sredinama. To sam rekla. (MENSUR ALIĆ – Poslovnička.)

MIREL MIŠKOVIĆ

Poslovnička Mensur Alić, Tuzlanska alternativa.

MENSUR ALIĆ – vijećnik Tuzlanske alternative

Zbog ovih građana koji ovdje sjede, zbog onih koji sjede tamo, ja vas molim da se vratimo dnevnom redu i tački dnevnog reda. (Tako je. Tako je.)

Oni ne žele provesti ovdje dan našim nekakvim političkim poenima, uzimanjem za govornicom. Dajte kako ćemo konkretno napraviti, poslije toga pauzu, zaključke, da građani idu zadovoljni kući, a da mi svoje političke nesuglasice rješavamo bez njihovog prisustva ovdje. (Tako je. Tako je.) Hvala lijepa.

MIREL MIŠKOVIĆ

Zahvaljujem. Nastavljamo dalje sa radom. Riječ ima ispred Kluba SDP Alen Kapidžić. (MERIMA SOFTIĆ – Ne. Ne. Trebala sam ja. Zbog tog odustajem i ja zbog poslovničke intervencije.) A zbog poslovničke intervencije Merima Softić odustaje od replike.

ALEN KAPIDŽIĆ – vijećnik Socijaldemokratske partije

Prije svega sve vas srdačno pozdravljam. Posebno naše drage sugrađane. Znači očigledno ovo što vijećnik Mensur kaže postaje populizam. Znači htjeli mi to ili ne. Mi svi uključujemo u diskusiju populizam. Ali samo ću vam jednu stvar reći.

Da smo mi kao Klub SDP-a ne stojimo, ne samo mi, mi smo recimo postavljali vijećnička pitanja šta je sa projektom odsumporavanja? Znači šta smo dobili odgovor? Da ima veliki broj automobila u Tuzli danas nego prije deset godina.

Vidite. Ne stojimo svi čvrsto iza svojih stavova sa nekih prethodnih sjednica. Nego uzimamo samo ono što nam treba. Znači uzimamo samo ono što nam treba da bi dobili neke jeftine političke poene. Ali evo da zanemarimo to. Ja sam stvarno ovdje sad se pripremio, neću dalje govoriti o tome, nego ću se vratiti na temu je li.

SDP će naravno podržati ove prijedloge mjera, upravo zato što nije nama lako da znate evo da kažem i građanima biti pozicija, nije isto kao opozicija je li. Naravno mi moramo voditi računa i o zakonu kad donosimo odluke, znači moramo voditi računa da nikog ne diskriminiramo prilikom donošenja odluka je li i da kažemo da isključimo taj populizam. Jer svi će nama doći.

Pazite mi ako jednog građanina diskriminiramo nekom odlukom on će doći nama. Neće njima. Neće opoziciji. Znači. Ako ugrozimo i neko preduzeće u smislu da ga dovedemo u neku finansijsku nestabilnost svi će opet nama doći. Neće doći opoziciji.

I mi smo spremni naravno da razgovaramo. Evo i rezultat naših razgovora, pregovora je ovo je li što smo krenuli u realizaciju i ovo što. Podržavamo naravno zaključke, prijedloge i Gradonačelnika i ovo je prvi neki korak. Zato ćemo mi ovo podržati.

Zašto kažem da ćemo podržati da je ovo? Zato što je da kažem ova odluka koja ni na jedan način ne diskriminira ostale. Ne kažem da vi nemate prioritet. To će se definisati. Mi ćemo predložiti jedan zaključak da se odrede tačno prioriteta. I nama je u cilju da vi riješite ovaj problem. Naravno.

Ali vidite. Znači. Pardon. Imamo, imamo problem je li sa tačnom, naš zaključak će biti da predložimo znači da se definišu pravila ili kriteriji koji će tačno odrediti ko to ima pravo na priključenje. Znači ne u smislu, u smislu tom da vam dovede se grijanje do zida do objekta je li i mi zatrpamo milion, dva miliona maraka u zemlju, a opet procenat priključenja znači na centralno grijanje bude nizak.

S obzirom da će se ova odluka kad se donese biti validna za sve mjesne zajednice. Upravo iz tog razloga. Ne iz razloga da vi nemate mogućnost za priključenje. Da me pogrešno ne shvatite je li.

Trebamo opet da imamo na umu da smo mi na jednoj od prethodnih sjednica i usvajajući Izvještaj o radu Centralnog grijanja usvojili zaključak, koji je čini mi se i kolega Mensur predložio, jest, a on je glasio da širenje mreže bude u samo onim mjesnim zajednicama gdje je to ekonomski opravdano je li.

E shodno tome znači mi ćemo dati jedan zaključak i gdje tražimo da se kao i dalje maksimalno radi na razvoju primarne mreže je li, shodno ovim zonama o proširenju toplifikacije, a da ujedno vodimo računa o finansijskoj stabilnosti našeg, našeg preduzeća je li.

Takođe predlažemo još jedan zaključak. A to je ovaj je li da se tačno definišu procedure ko stiče uslove za priključenje, korištenje ovih predloženih mjera. Ne grijanja, nego ovih predloženih mjera. Da se tačno zna je li, da ne bacamo džaba pare. Kako mi to znamo reći je li, da ne zakopamo u zemlju cijevi a nećemo imati procenat. (Cijevi su već razvedene.) Molim? Nisu. Jesu. Jesu do. (Jesu kod nas razvedene.) (MIREL MIŠKOVIĆ – Molim da se ne priča sa mjesta.) Ja vas molim, vi možete izaći pa pričati poslije. (Vi mislili bacili pare. Gotovo.) (MIREL MIŠKOVIĆ – Molim vas, nemojte sa mjesta dobacivati.) (Već plaćene.) OK.

Evo i naravno da to sve bude u skladu sa finansijskim mogućnostima. Eto. Hvala. Toliko.

MIREL MIŠKOVIĆ

Zahvaljujem. Riječ ima Nedžad Malikić. Klub vijećnika Tuzlanske alternative.

NEDŽAD MALIKIĆ - vijećnik Tuzlanske alternative

Pozdravljam sve prisutne. Evo danas imamo jednu od vanrednih sjednica. Naravno svaka vanredna sjednica je opravdana. Nas ovdje trideset i jedan vijećnik ja vas uvjeravam da smo na strani svih građana i moramo uvijek donositi odluke i upravo smo tu zbog vas.

Evo danas imamo problem oko toplifikacije Mjesne zajednice Bukinje i Šićki Brod. Vijećnik sam dugo vremena. Dugo vremena smo razgovarali na ovu temu i uvijek sam bio sklon tome da na neki način moramo prije toga da predvidimo da li su građani za tu toplifikaciju ili nisu.

Ja. Šta hoću da kažem? Ako su građani ovog dijela mjesne zajednice bili svjesni u što se ulazi i šta su njihovi troškovi trebali su znati na početku da li to prihvate ili ne, na način da kaže OK, mi nismo zainteresirani za toplifikaciju, možda smo mi zainteresirani za neki drugi projekat na tom dijelu mjesne zajednice.

Ovdje kad pričamo o Mjesnoj zajednici Šićki Brod i Bukinje, to su više naselja. Ja sad postavljam pitanje sebi i svima nama, šta je sa drugih dijelova mjesne zajednice gdje nemamo toplifikacije. Valjda bi danas trebali i o tome pričati.

Evo konkretno Mjesna zajednica Bukinje, sada kad je u pitanju toplifikacija koja je urađena mora se na neki način riješiti taj problem. Danas ovo rješavamo korak po korak. Na način da smo rekli da će se primarna mreža, koju sam ja uvijek zagovarao, dovede do kuće. Da ta sekundarna mreža ne bude nekome pedeset, nekome trideset, ako znamo da je metar cijevi, znači te koja se postavlja, nekih između 70 i 100 maraka.

Znači ako imamo trideset metara puta, dva, to je šezdeset metara, to je dodatnih 4.000 maraka za građane koji su trideset metara udaljeni od toga. Plus regulaciona mjerna stanica koja je dvije i po do 3.000 maraka, priključke.

Postavlja se pitanje, da li ti građani imaju urađenu instalaciju i provedeno grijanje u samim kućama. Taj koji nema mora biti svjestan da je to još toliko novaca da bi to odradio. To su sve stvari o kojim smo mi trebali puno prije pričati, puno prije razgovarat.

Sad se vraćam na sledeću temu. Šta je sa dijela Mjesne zajednice Bukinje evo konkretno Hudeča? Nema ju ni asfalta ni jedan kraj, nema ju ni kanalizacije, nema ju ništa. Znači nekome je misaona imenica da se dovede toplifikacija da bi se priključio.

Znači trebamo otvoreno pričati u dijelu čitave ove tri mjesne zajednice. Vrlo malo se ovdje ljudi, odnosno pardon vijećnika, spomenulo Mjesnu zajednicu Husino. Mjesna zajednica Husino vrlo malo projekata je urađeno. Znači trebamo biti iskreni, sjest i razgovarati.

Mi danas smo počeli razgovarati što je ako dobro. Što je jako dobro i prvi je korak. Da vidimo konkretno šta će biti u našim zaključcima. Zaključci će biti da se izdvoje određena finansijska sredstva u predviđenom budžetu. Bez toga gospodo draga džaba danas razgovaramo.

Onoliko para koliko predvidimo u budžetu, toliko toga će se i uraditi. Vi ste na neki način uspjeli da svoj problem delegirate na način da smo imali vanrednu sjednicu i da o tome svi porazgovaramo i da pokušamo riješiti taj problem.

Ovo će biti aktuelno etapno korak po korak, do usvajanja budžeta, kada će se znati koliko je potrebno sredstava da se to uradi da se cijevi dovedu do, sekundari, ustvari primarni vod, hajde nije ni bitno, dovede se u kuću, koliko košta jedno regulaciona stanica. Mi tih podataka nemamo. I to tačno. Svi nagađamo. Niko tačan podatak ne zna. I druga stvar, koliko košta priključak. On ide zna se trideset i šest, sedam metar, ne znam po metru kvadratnom, koliko će to biti da se plati priključak.

U suštini ovdje smo da pokušamo riješiti vaš problem. Imamo članove Savjeta koji trebaju da rade sa građanima, da razgovaraju sa građanima, da prikupe podatke za sve ostale projekte koje trebamo raditi. Ne samo toplifikacija, nego svi ostali. I Šići, i, i Plane, i, i šta ja znam na Husinu i sve ostali, tako isto i u Bukinjama. I da se pripremi koji su to prioritetni projekti u samim mjesnim zajednicama i koliko to košta.

I ovo ne treba biti samo u ovom budžetu, to treba raditi više godine da bi se neke stvari. I napaviti prioritete koji trebaju da se rade. Prioritete svih 5.000.000 maraka da se ulože u mjesnu zajednicu, u ove tri mjesne zajednice ne bi riješilo problem. (Imate vi te podatke. Imate sve.) (MIREL MIŠKOVIĆ – Nemojte sa mjesta. Molim vas.) (NIJAZ SULJIĆ - Nemojte sa mjesta.) Da li imamo mi podatke ili nemamo, to ćemo da vidimo ko ima, ko nema podatke. Možda neka služba ima, ali mi vijećnici možda nemamo te podatke. Znači ne možemo da razgovaramo na taj način.

Šta je sa sporta? Čitavo vrijeme pričamo imamo dole u Mjesnoj zajednici Bukinje jedan sportski klub koji radi. I koji čitavo vrijeme sam se zalagao i tražio da taj dio gdje se veliki broj omladine skuplja na neki način ovaj Grad posebno pomogne kad je u pitanju sport.

Kad je u pitanju kultura. Imamo kulturno-umjetnička društva koja idu i mole određen institucije da bi dobili određena finansijska sredstva. (Mi smo ovdje radi grijanja.) (Ostavi to.) (MIREL MIŠKOVIĆ – Molim vas nemojte sa mjesta. Nemojte s mjesta.) Ne. Ne. (MIREL MIŠKOVIĆ – Nemojte.) Molim vas. Molim vas.

Mjesna zajednica Husino. Ne. Ne. Ovo je. Ovo su problemi tih. (MIREL MIŠKOVIĆ – Nemojte samo sa mjesta dobacivati.) Ovo su. Ovo su konkretno problemi Mjesne zajednice Bukinje, konkretno problem Mjesne zajednice Husino, konkretno problemi Mjesne zajednice Šićki Brod. Sve su to problemi.

Akcentat jest dat na toplifikaciju, međutim ako i ovo ne riješimo nije to, nije to, to je polovično rješenje. Danas, sutra doće pedeset ili sto momaka koji treniraju u Bukinjama, koji žele da imaju bolji status kako bi bolje igrali. (To ćemo kroz budžet.)

Kad je u pitanju. Zato kažem bitno je da se svi ti segmenti izuzev toplifikacije uđu u proračun i na taj način se pokuša na neki način zadovoljiti potrebe svih tih građana.

Naravno što se tiče Kluba Tuzlanske alternative mi ćemo podržati ovaj prijedlog mjera, tražit ćemo da se one poboljšaju, da se iznađe mogućnost za ovih 254 objekta da se iznađe dodatnih tih koliko već treba sredstava da se kupe regulatorne-mjerne stanice i naravno da ćemo biti tu zajedno sa vama, na neki način da vas pomognemo kako bi svoje zadovoljili potrebe kad je u pitanju priključak na toplifikaciju. Hvala.

MIREL MIŠKOVIĆ

Zahvaljujem. Riječ ima Nedim Salibegović, Klub Demokratske fronte.

NEDIM SALIBEGOVIĆ – vijećnik Demokratske fronte

Prije svega želio bi da pozdravim sve prisutne, a naročito građane Mjesne zajednice Šićki Brod i Bukinja.

Kao što svi ovdje znamo ovaj problem sa tim mjesnim zajednicama nije od ovoga mandata, već je to od, problem koji traje decenijama.

Klub vijećnika Demokratske fronte će danas podržati ove mjere. Podržat će ih iz razloga što je ovo ipak korak naprijed, što je rekao Gradonačelnik ovim mjerama danas će biti bolje nego juče, ali isto tako podržat ćemo da u narednom periodu Gradonačelnik i nadležne službe imaju konstantni dijalog sa građanima Mjesne zajednice Šićki i Bukinje i sa ostalim mjesnim zajednicama, kako bi im na što lakši način omogućili da se priključe na mrežu, toplotnu mrežu, jer mi danas ovdje nemamo podataka konkretnih koliko će kojeg građanina koštati priključak na tu mrežu.

Mi ovdje baratamo sa ciframa od 2 do 3.000, međutim mi ne možemo pred građane izaći i reći koji je to iznos.

Takođe ono što svi ovdje treba i pozicija i opozicija da mislimo, jeste da mislimo na građane tih mjesnih zajednica Šićki i Bukinje prilikom usvajanja budžeta za narednu godinu, da nastojimo da iznađemo određena sredstva kako bi taj priključak bio što jeftiniji i kako bi građani već do iduće grejne sezone imali grijanje u svojim stambenim objektima. Hvala vam.

MIREL MIŠKOVIĆ

Zahvaljujem. Pošto smo iscrpili raspravu klubova vijećnika, otvaramo sada raspravu vijećnika. Za riječ se javio prvi Nedžad Jusić, ispred reda nacionalnih manjina.

NEDŽAD JUSIĆ – vijećnik iz reda nacionalnih manjina

Pozdravljam sve prisutne. Osjetio sam potrebu da se javim po ovoj tački dnevnog reda, a to je s obzirom samo bi još jednom podcrtao da ja u svom zalaganju se zalažem za ravnopravnost svih građana da imamo ista prava a iste obaveze.

Između ostalog takođe želim da napomenem, da određene grupacije u ovom slučaju građani ove dvije, odnosno tri mjesne zajednice, su hajde možemo reći na neki način možda malo više ugroženiji od drugih građana i zbog toga treba poduzeti neke afirmativne akcije i ovo je dobro na kraju krajeva što se počelo pričati i razgovarati.

I evo sad ću možda i ja ponoviti, više puta je to rečeno, ovo je prvi korak da bi se neke stvari uradile u narednom periodu i ovo što su reko i Gradonačelnik i svi drugi normalno da treba

striktno se pridržavati zaključka, a to je da se nastavi i dalji razgovor sa svim akterima u ovom problemu kako bi iznašli rješenje, donijeli rješenje da budu svi zadovoljni.

Pokušati koliko je moguće da budu zadovoljni i građani ove tri mjesne zajednice i drugi građani Tuzle, a normalno i svi mi koji odlučujemo o tome. Hvala.

MIREL MIŠKOVIĆ

Zahvaljujem. Riječ ima vijećnika Stranke demokratske akcije, Mirza Tupajić.

MIRZA TUPAJIĆ

Ja ću vas još jednom pozdraviti. Malo je atmosfera uzavrla. A i tema je, tema je jako bitna. Dugo se o ovome priča.

Ja ću se osvrnuti na najbitniju stvar. Ovdje, naravno mi smo svi ovdje na neki način političari. Nekad lijepo pričamo. Imamo tu dozu nekad i populizma. Moramo iskreno reći sve to. Ja ću govoriti ovdje iskreno. Ko isto kao ko vaš sugrađanin.

A to je da vas niko ne zavarava. Budžet. Ja kako imam informaciju dosad je 14.000.000 maraka došlo od Termoelektrane. Evo Nijaze ti radiš u Termoelektrani, ispravi me ako nije tačan podatak.

Sramotno je da u nekim mjesnim zajednicama, znači ove dole tri mjesne zajednice. Molim kolegicu da ne pravi nekakve grimase. (ERNA DELIĆ – Ništa ti nisam ja.) Pa eto nemojte molim vas. (ERNA DELIĆ – Pa dopusti da imam facu.) Pa nemojte. Pa nemojte. (MIREL MIŠKOVIĆ – Molim vas nemojte sa mjesta dobacivati.) Ružno je. Zamislite kad vi izađete pa da ja to radim. Jako je ružno. (ERNA DELIĆ – Pa tako to ti radiš.) (MIREL MIŠKOVIĆ – Ništa. Ništa. Vratite se vi diskusiji.) Ne radim. Vjerujte.

Znači 14.000.000. Je li tako? Žalosno je da u nekim mjesnim zajednicama, znači u Bukinju, Šićkom Brodu, onaj u Husinu, znači ove tri mjesne zajednice koje su direktno pogođene hemijskim polutantima, kancerogenim polutantima. Ja sam po profesiji magistar prirodnih nauka iz oblasti hemije. Vrlo dobro znam šta vi uzdišete, šta jedete kad posijete, koji su to teški metali. Čak skoro sam vršio ima jedan rad koji možete pronaći na netu vezano za zagađenje oko Termoelektrane Tuzla i dole Šićki Brod.

Znači od 14.000.000 mi imamo tamo vraćanje kredita Vodovoda i Kanalizacije a vaše neke mahale nemaju vodu. Je li to korektno? I zato opravdano vas podržavam u, u, u, na, pošto je danas tema proširenje, proširenje znači toplifikacije, opravdano imate pravo. Znači šesdeset godina uzdišete taj zrak, šesdeset godina jedete onaj paradajz i paprike, kontaminiran, vjerujte kontaminiran, imate puno pravo da tražite besplatno, besplatan ovaj priključak.

Nema. Znači nemojte da vas neko. Molim vas. (MIREL MIŠKOVIĆ – Nemojte sa mjesta. Nemojte samo sa mjesta.) To je moje mišljenje. Znači nemojte da vas neko. Znači ima tamo prioriteta, koje su mahale najviše izložene, gdje je najjeftinije sad u narednom periodu priključiti, kako se zove, grijanje, znači da to krene od ove sledeće godine. Jer ne može sad. Zašto? Jer imamo, znači mora se planirati onaj u budžetu.

Mi smo imali, iz mog Kluba, Kluba Stranke demokratske akcije Amandman na Budžet, a vi možete pogledat tu sjednicu na Objektivno.ba i na stranici Grada Tuzle, od kako se sjećam od milion i dvjesto hiljada za širenje znači mreže toplifikacije. Od ovih sredstava.

Tad sam kazao za ovom govornicom da čak sumnjam da li je zakonito, da li se zakonito troše ova sredstva. Jer član 6. je nedorečen, pomalo nejasan, ne znam ko je ga tačno tako pisao. Da li je to namjerno tako napisan. Ali na primjer tamo imamo. Dobit ćemo mi taj izvještaj, neću

da sad govorim, znači gdje se svih 14.000.000 dosad potrošilo. Svaka ona marka. Od ovih sredstava koje su prijateljsko okruženje.

Pratite ako bog da. Znači bitan vam je budžet za 2018. godinu. Ako tu ne bude. Neko je govorio 10%, neko 20%. Dobro kako se zove izračunat koliko. Evo i Vlada Tuzlanskog kantona je oko 250.000 izdvojila znači za Mjesnu zajednicu Šićki Brod.

Kad počnemo znači ova sredstva kako treba trošiti, možemo tražiti. I ovo 5.000.000 je malo. Vjerujte. Malo što, koliko profita ima Elektroprivreda, znači može se, može se još. Znači ali onda bi imali obraza da se ovo kako treba troši. I tako dalje i tako dalje.

Današnja sjednica je pokazala nedostatak, znači nepostojanje Statuta Grada Tuzla. Nepostojanje Statuta Grada Tuzla. I definitivno trebamo vratiti, znači trebamo vratiti znači kako Statut Grada tako i Statut mjesnih zajednica i mjesne zajednice moraju imati svoj neki podžiro račun, kako da ga, sa strogom nekakvom eto kao kontrolom, da vi kao građani evo Mjesne zajednice Husino, Mjesne zajednice Bukinje, možete aplicirati ne Evropske fondove, ond ste pravni subjekt. Znači Evropske fondove za, iz oblasti znači ekologije.

Imo sam još toga puno reći. Samo ću kazati znači, prava istina će se vidjeti kad se bude donosio ovaj budžet. I nemojte odustat od svog zahtjeva da polako se krene. Vi ste to zaslužili. Šezdeset godina kako, šezdeset godina uzdišete taj zrak i imate pravo besplatno.

A naravno, evo ovdje vidim Hasiba Hirkića iz Mramora, susjedne onda mjesne zajednice da imaju ne znam neku subvenciju. Pa one, naravno moja Batva, onaj Solana, Moluhe, Kreka, isto nekih 20, 30% onaj te neke ovaj subvencije. Naravno spram blizine Termoelektrane. Eto toliko.

MIREL MIŠKOVIĆ

Zahvaljujem. Ima li još vijećnika prijavljenih za diskusiju? Mirnes Ajanović, BOSS.

MIRNES AJANOVIĆ

Nisam siguran da li je to ušlo u zaključak, ali obavezno mora biti da diskusije sve koje su izrečene na toku ove sjednice (SLAĐANA KRAJINA – Jeste. Jeste. Prvi zaključak.) i prijedlozi na koji način će biti rješavano priključenje građana Šićkog Broda, Bukinja, pa i ostalih građana u ostalim mjesnim zajednicama gdje je to moguće na centralni vod daljinskog zagrijavanja, trebaju se razmotriti prilikom donošenja odluke o snabdijevanju Grada Tuzle.

Dakle da budu ravnopravni. Stavite to. Da se ne desi da kažemo sad pa ćemo raspravljat. Da se ravnopravno raspravlja o svim prijedlozima. A onda ćemo donijeti odluku šta će biti. Da ne desi se da mi smo nešto pričali a onda od toga kasnije nema ništa jer smo usvojili informaciju kao, a u toj informaciji je sve.

Ne. Informaciju imamo a odluka tek treba da bude sačinjena, ne na osnovu ove informacije, nego na osnovu nje i diskusije koja je bila u toku rasprave. Hvala.

MIREL MIŠKOVIĆ

Zahvaljujem. Pošto smo iscrpili raspravu vijećnika i nema više prijavljenih za diskusiju, pitam vijećnike da li ima potrebe da obrađivači daju odgovore na postavljena pitanja tokom rasprave? Nema.

Idemo dalje. Ako nema, onda konstatujem da je Gradsko vijeće Tuzla primilo k znanju INFORMACIJU O TOPLIFIKACIJI SA POSEBNIM AKCENTOM NA MJESNE ZAJEDNICE

U KOJIMA POSTOJE USLOVI ZA PRIKLJUČENJE NA SISTEM DALJINSKOG GRIJANJA.

Prije nego što pređemo na glasanje za zaključke, kao zamjenik predsjedavajućeg dajem pauzu od petnaest minuta, radi definisanja zaključaka. (Pauza.)

Pozivamo ostale vijećnike da uđu u salu. Pauza je data radi definisanja zaključaka proizašli iz rasprave. A sada pozivam sekretara Slađanu Krajinu ispred Stručne službe Gradskog vijeća, da pročita zaključke koji su proizašli iz rasprave.

SLAĐANA KRAJINA

- Gradsko vijeće Tuzla podržava prijedlog mjera dat u Informaciji Službe za komunalne poslove, izgradnju i poslove mjesnih zajednica od 16. 10. 2017. godine.

- Gradsko vijeće Tuzla traži od obrađivača materijala da analiziraju prijedloge, primjedbe i sugestije klubova vijećnika i vijećnika iznesene tokom 1. vanredne/tematske sjednice Gradskog vijeća Tuzla, te da ih uzmu u obzir kod izrade prijedloga Odluke o snabdijevanju grada toplotnom energijom kao i da uzmu u obzir sugestije predstavnika savjeta mjesnih zajednica iznesene tokom rasprave.

- Gradsko vijeće Tuzla smatra da svi projekti energetske efikasnosti (Poticaji za utopljanje objekata i drugi projekti.) koji će se realizovati na području grada Tuzla trebaju da počinju, zbog specifičnosti prostora, blizine Termoelektrane, od ove dvije mjesne zajednice, Mjesne zajednice Šićki Brod i Mjesne zajednice Bukinje.

- Gradsko vijeće Tuzla, s obzirom na specifičnosti prostora Mjesne zajednice Šićki Brod i Mjesne zajednice Bukinje, traži od nadležnih da se razmotri mogućnost davanja olakšica, odnosno subvencioniranja dijela troškova nabavke mjerno-regulacionih jedinica.

- Gradsko vijeće Tuzla traži od resorne službe da do naredne sjednice Gradskog vijeća Tuzla dostavi informaciju o utrošku sredstava ostvarenih po osnovu Zakona o izdvajanju i usmjeravanju dijela prihoda preduzeća ostvarenih radom termoelektrana ("Službene novine FBiH", broj 80/14.), koja se, u skladu sa članom 6. navedenog Zakona namjenski troše za poboljšanje životnih uslova građana.

- Gradsko vijeće Tuzla podržava nastavak aktivnosti širenja sistema daljinskog zagrijavanja, u skladu sa usvojenim zonama toplifikacije kao i nastavak aktivnosti širenja zona toplifikacije, a sve u cilju smanjenja aerozagađenja i poboljšanja kvaliteta života građana Grada Tuzla s tim da je prilikom planiranja širenja sistema daljinskog grijanja i priključivanja novih korisnika potrebno voditi računa da se ne dovede u pitanje finansijska stabilnost Centralnog grijanja d.d. Tuzla.

- Gradsko vijeće Tuzla podržava dijaloški način rješavanja problema i stvaranja uvjeta za poboljšanje kvaliteta života građana Grada Tuzla.

- Gradsko vijeće Tuzla traži da se, imajući u vidu da se odluka o snabdijevanju toplotnom energijom donosi za Grad Tuzla, tačno definišu pravila ili kriteriji koja će odrediti ko ima pravo na priključenje na sistem daljinskog grijanja.

- Gradsko vijeće Tuzla traži od Gradonačelnika Grada Tuzla, kao predlagača, gradskih službi, da sve materijale koji se upućuju Gradskom vijeću Tuzla na razmatranje, dostavljaju u rokovima propisanim Poslovníkom Gradskog vijeća Tuzla a u slučaju da, iz bilo kojeg razloga, to nisu u mogućnosti učiniti, traži se od Gradonačelnika Grada Tuzla da upozna predsjednike klubova vijećnika, odnosno članove Kolegija Gradskog vijeća o razlozima kašnjenja u dostavljanju materijala.

MIREL MIŠKOVIĆ

Zahvaljujem. Pitam vijećnike, ima li neko dopuna zaključka? Jasminka Mijatović, HDZ BiH.

JASMINKA MIJATOVIĆ

Naravno da je bila opširna rasprava i da je kolegica nastojala da to sve obuhvati. Ja sam pomno slušala poslednji zaključak kolege Ajanovića, koji je govorio o zonama toplifikacije, uključujući potrebe svih mjesnih zajednica. Nekako mi je ta riječ ostala ili je nisam čula u zaključcima.

Ja prije svih mislim da je ovaj put zaboravljena Mjesna zajednica Husina. Ali ako ostaje zaključak za sve mjesne zajednice onda je inkorporirano i samo Husino, tako da dopunu za Husino ne bi insistirala, ali molim samo u tom dijelu nema riječi svih ostalih mjesnih zajednica gdje eventualno ima potreba.

Ovo govorim iz razloga što u informaciji koju smo dobili od, od Službe za komunalne poslove za koju govorim i dalje da odgovara temi dnevnog reda, stoji da je sastavni dio ove Informacije Plan proširenja zone toplifikacije koju smo dobili i koji je bio osnova za moju diskusiju, a u ovom Planu proširenja iz 2011. godine ne pominje se Husino uopće a znamo da je sastavni dio ove regije. (MIRNES AJANOVIĆ – Poslovnička.)

Samo u tom kontekstu ako je moguće da se inkorporira u zaključak. Hvala. (MIRNES AJANOVIĆ – Koji zaključak? Koji zaključak?)

MIREL MIŠKOVIĆ

Poslovnička Mirnes Ajanović.

MIRNES AJANOVIĆ

Danas je. Evo zahvaljujem kolegici, to je primjetila dobro. Mi imamo ovaj prvi zaključak gdje se trebaju usvojiti sve sugestije, odnosno razmatrati prilikom donošenja odluke o topljnoj energiji, ali sam naziv sjednice je razmatranje informacije o toplifikaciji sa posebnim akcentom na mjesne zajednice u kojima postoje uslovi za priključenje na sistem daljinskog grijanja.

Dakle tačka dnevnog reda je sve mjesne zajednice, gdje god je moguće, a ne samo Šićki Brod i Bukinje. Ovdje smo donijeli posebnu odluku za Šićki Brod i Bukinje, ali i za sve važi ovo. Tako da je to već u samom nazivu uvršteno.

Pa iz tih razloga ja nisam intervenisao, ali radi pojašnjenja smatra se da sve što donosimo u vezi ovoga odnosi se na sve gdje je moguće naravno da dođe vod topljnog zagrijavanja. Hvala.

MIREL MIŠKOVIĆ

Zahvaljujem. Dopunu zaključaka ima Elvir Kasumović, SBB.

ELVIR KASUMOVIĆ

Moja dopuna je samo formalnog tipa. Da se ovi zaključci dostave u savjete mjesnih zajednica Šićki Brod i Bukinje i da se istaknu na oglasnim pločama kako bi ostali građani bili upoznati sa ovim zaključcima koji su doneseni. (SLAĐANA KRAJINA – Predviđeno je da se dostave zaključci.)

MIREL MIŠKOVIĆ

Zahvaljujem. Sada sa dostavljenim primjedbama, stavljam na izjašnjavanje pročitane zaključke.

I pitam vijećnike, ko je za predložene zaključke sa dopunama, molim da digne ruku? (27) Ima li neko protiv? (Nema.) Suzdržan? (Nema.)

27 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

- Gradsko vijeće Tuzla podržava prijedlog mjera dat u Informaciji Službe za komunalne poslove, izgradnju i poslove mjesnih zajednica od 16. 10. 2017. godine.

- Gradsko vijeće Tuzla traži od obrađivača materijala da analiziraju prijedloge, primjedbe i sugestije Klubova vijećnika i vijećnika iznesene tokom 1. vanredne/tematske sjednice Gradskog vijeća Tuzla, te da ih uzmu u obzir kod izrade prijedloga Odluke o snabdijevanju grada toplotnom energijom kao i da uzmu u obzir sugestije predstavnika Savjete mjesnih zajednica iznesene tokom rasprave.

- Gradsko vijeće Tuzla smatra da svi projekti energetske efikasnosti (poticaji za utopljanje objekata i drugi projekti) koji će se realizovati na području grada Tuzla trebaju da počinju, zbog specifičnosti prostora, blizine Termoelektrane, od ove dvije mjesne zajednice, Mjesne zajednice Šićki Brod i Mjesne zajednice Bukinje.

- Gradsko vijeće Tuzla, s obzirom na specifičnosti prostora Mjesne zajednice Šićki Brod i Mjesne zajednice Bukinje, traži od nadležnih da se razmotri mogućnost davanja olakšica, odnosno subvencioniranja dijela troškova nabavke mjerno-regulacione jedinice.

- Gradsko vijeće Tuzla traži od resorne službe da do naredne sjednice Gradskog vijeća Tuzla dostavi informaciju o utrošku sredstava ostvarenih po osnovu Zakona o izdvajanju i usmjeravanju dijela prihoda poduzeća ostvarenih radom termoelektrana (“Službene novine FBiH”, broj 80/14.), koja se, u skladu sa članom 6. navedenog Zakona namjenski troše za poboljšanje životnih uslova građana.

- Gradsko vijeće Tuzla podržava nastavak aktivnosti širenja sistema daljinskog zagrijavanja, u skladu sa usvojenim zonama toplifikacije kao i nastavak aktivnosti širenja zona toplifikacije, a sve u cilju smanjenja aerozagađenja i poboljšanja kvaliteta života građana Grada Tuzla s tim da je prilikom planiranja širenja sistema daljinskog grijanja i priključivanja novih korisnika potrebno voditi računa da se ne dovede u pitanje finansijska stabilnost Centralnog grijanja d.d. Tuzla.

- Gradsko vijeće Tuzla podržava dijaloški način rješavanja problema i stvaranja uvjeta za poboljšanje kvaliteta života građana Grada Tuzla.

- Gradsko vijeće Tuzla traži da se, imajući u vidu da se odluka o snabdijevanju toplotnom energijom donosi za Grad Tuzla, tačno definišu pravila ili kriteriji koja će odrediti ko ima pravo na priključenje na sistem daljinskog grijanja.

- Gradsko vijeće Tuzla traži od Gradonačelnika Grada Tuzla, kao predlagača, gradskih službi i drugih obrađivača materijala, da sve materijale koji se upućuju Gradskom vijeću Tuzla na razmatranje, dostavljaju u rokovima propisanim Poslovníkom Gradskog vijeća Tuzla a u

slučaju da, iz bilo kojeg razloga, to nisu u mogućnosti učiniti, traži se od Gradonačelnika Grada Tuzla da upozna predsjednike Klubova vijećnika, odnosno članove Kolegija Gradskog vijeća o razlozima kašnjenja u dostavljanju materijala.

- Zaključke sa današnje 1. vanredne/tematske sjednice Gradskog vijeća Tuzla dostaviti Savjetu Mjesne zajednice Šićki Brod i Savjetu Mjesne zajednice Bukinje koji će ih istaći na oglasnim pločama kako bi se sa istima upoznali građani ovih mjesnih zajednica.

Prije nego što zaključimo ovu tematsku sjednicu, za potrebu ima da nam se obrati predsjednik Mjesne zajednice Šićki Brod, gospodin Nijaz Suljić.

NIJAZ SULJIĆ

Hvala predsjedniče. Hvala svima danas koji su uzeli učešće u ovoj današnjoj diskusiji. Mislim da smo napravili jedan veliki pomak. Posebno bi se evo zahvalio mojim građanima koji su zaista pokazali visok nivo.

I ovo je samo jedan od pokazatelja da treba da živimo u jednoj modernoj, savremenoj mjesnoj zajednici, kao što je Grad i što i pripadamo i nadam se da ćemo budžet zajedno sa vama pokušat da kreiramo da svi građani na prostoru grada Tuzla budu zadovoljni i da naredne godine dočekamo u boljem raspoloženje, tj. da budemo logisti ka vama da zaista ovaj grad izgleda onako kako ste vi to i zamislili. Hvala vam puno.

MIREL MIŠKOVIĆ

Zahvaljujem. Ovim zaključujem 1. vanrednu/tematsku sjednicu Gradskog vijeća Tuzla u 13 sati i 49 minuta.

(S obzirom da je dnevni red iscrpljen zamjenik predsjedavajućeg Gradskog vijeća Tuzla zaključio je rad 1. vanredne/tematske sjednice Gradskog vijeća Tuzla u 13,49 sati.)

STENOGRAM SAČINILI:

Senada Karabegović

Igor Kurcinak

ZAMJENIK PREDSJEDAVALJUĆEG

Mirel Mišković